



# सानसेयारि बड'सा

सानसेयारि 'बड'सा' खौरांलाइयाव  
स्माज्यादि जिज्जो लोब्बा थानाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि स्यायव लिन्नाय लिन्नाय दिशाय ठर!  
सानसेयारि 'बड'सा' खौरांलाइया खेबखानानै  
फोसावगोल।  
बड'सायाव लिन्नायानि हुबा खालाम,  
'बड'सा' खौरांलाइया आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Sunday ★ 31 March, 2024 Kokrajhar, BTC, Assam ★ Vol.- 34, Issue No. 7 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## बे खेबनि बिसायख 'थियाव गल परस्ट्याव गल कियार गैया, जेसेबां हायो एसेबां गल सोनो हागोन: ड॰ हिन्त विश्व शर्मा

कलाइगाव, 30 मार्च: उदालगुरि जिल्लानि बड'लेण्ड डेभलपमेन्ट फाउन्डेसनयाव दिने जुथाय दोलो बिजेपि, इडपिएल आरु अगप दोलोन मोनसे जुथाय मावफारिया मेल खुंजादों। मेलयाव आसाम सरकारि केबिनेट मन्थि जयन्त मल्ल बरवा, अगपनि गहाइ ने हाथारि कमला कलिता, बिटिआरि गहाइ मावफुं सोद्रोमा प्रमद बर', लेइइ गहाइ मावफुं सोद्रोमा गबिन्द बसुमतारिजों



लोगोसे नो मावफुं सोद्रोमा दावबायसा बर', दिगन्त बरवा, एमसिएल दिलिप बर'मोन्हा बाहागो लाफेदों। दिनेन जुथाय दोलोन मेलयाव आसामनि गिबि मन्थि ड॰ हिन्त विश्व शर्मा आ बुंदोंदि, बे खेबनि बिसायख 'थियाव गल परस्ट्याव कल कियार गैया, जेसेबां हायो एसेबां गल होनो हागोन। बे खेबाव भारतयारिफोरा नरेन्द्र मदिखों (□ 5 बिलाइआव)

## एबसुआ जोहोलाव बालिराम बर'नि खुंगा 28थि मुंख्लं सान फालिदों बालिराम बर'नि सान्थौ आरो सानस्त्रिखौ लानानै बर'हारिया खामानि मावनांगौ दडः दिपेन बर'

बड'सा थान्दै/उदालगुरि, 30 मार्च: बर' हारिनि थामोन्था रै खाथिनि थाखाय 1961 माइथायनि 1 जानुवारी खालाराव उदालगुरि जिल्लानि खोला हरिसिंगा मेम्बर बस्थि गामिनि अनुसुलि बर' बिमानि गोर्बोआव जोनोम लाना गावनि बेसेन गोसा समखौ हारिनि थाखाय बावसोमना अराय हारि सिबिबोनाय मुंख्लं जोहोलाव बालिराम बर'आ थानाय 30 मार्च, 1996 माइथायआव अबथिरायै गावनि बेसेन गोसा



जिउखौ मेगन गोसा सुथुरनि थैनाय सान एबा 30 मार्चखौ आखायाव खोमानो गोनां गुबुन-गुबुन बोसोरफोराव मिरु जादोंमोन। गेदेमा जोहोलावनि बे (□ 5 बिलाइआव)

## कक्राझार प्रेस क्लबआव एमपि नब' कुमार शरनियानि खौरांगिरि मेल कक्राझार लकसभा बियाबाव हेट्रिक खालामनाया रोखा: नब' कुमार शरनिया



कक्राझार, 30 मार्च: "1 नम्बरआव थानानै बाइइल्लाबो 1 खावसे लाख भटनि फारागथियाव आं देहगोन!" बे बाथाखौ बुडो कक्राझार लकसभा बियाबनि एमपि नब' कुमार शरनियाआ। दिने कक्राझार प्रेस क्लबआव मोनसे खौरांगिरि मेल (□ 5 बिलाइआव)

## बरपेटा रड'आव गिखंथाव लामानि जाब्रबथायजों नख'रसेनि साथामनि जिउ खहा

बरपेटा, 30 मार्च: बरपेटा रड'नि खाथियाव थानाय बालाभिटनि 27 नं माहारियारि राजा लामानि जामतलायाव शनिबार खालि सानजोफु समाव मोनसे गिखंथाव लामानि जाब्रबथाय जादों। लामानि जाब्रबथायाव नख'रसेनिनो साथाम हौवासा-हिन्जावसाया जायगायावो जिउ गोमायो। लामानि जाब्रबथायाव जिउ गोमानाय साथाम हौवासा-हिन्जावसाया फारिये 15 बोसोर बैसोनि शाहाजाहान आलि, 11 बोसोर बैसोनि आचमा खातुन (□ 5 बिलाइआव)

## सालबारिनि काजियामाटि फथाराव बाइक खावनायजों लोब्बा थानाय सासे सुबुंखौ हमदों



भवानिपुर, 30 मार्च: सालबारि महकुमा पुलिस बिबानगिरि निलतपल शइकियानि दैदेनायाव गवर्धना पुलिस थानानि लेइइ नायसंगिरि (एसआइ) शामिम सिद्दिकखौ लोगोसे पुलिसनि मोनसे हान्जानि हेफाजाबाव थानाय हराव गवर्धना पुलिस थानानि सिडाव थानाय काजियामाटि फथार गामियाव गंसे (□ 5 बिलाइआव)

## गावखौ गोरों खालामनानै रां खामायनायजों लोगोसे रंजानाय आरो मान मोन्नो हायो: ड॰ अजित बर'

कक्राझार, 30 मार्च: बर' फरायसा थुनलायारि गौथुम, बड'फा उपेन्द्र नाथ कलेज, दतमाआ दिने 8 थि बड'फा उपेन्द्र नाथ ब्रह्म गोसोखं सान फालिनाय हाबाफारिजों लोब्बा लाखिनानै फुनि 9 रिंगानिफ्राय "फरायसानि जैगानायाव नख'रारि आबहावनि गोहोम" आयदानि सायाव मोनसे बंखन सावराय मेल खुंजाय जायो। बे सावराय मेलआव फुंखा सुबुं महरै बाहागो लानानै गसाइगाव



बिएड फरायसालिमानि गोरयुं आरो साहित्य अकाडेमि बान्था मोनगिरि अजित बर'आ बुडोदि, "जिउआव उश्रिसार जानो थाखाय जेनाफोरखौ लानानै आन्दायनांगीनि गोनांथि (□ 5 बिलाइआव)

## कक्राझार लकसभा बियाबनि बिपिएफ दोलोनि बिजाथिआ इफ्टार पार्टियाव बाहागो लादों हिरा शरनियाआ बे खेबाव देरहानो हाया: खाम्फा

कक्राझार, 30 मार्च: हिरा शरनियाआ बे खेबाव देरहानाय नडा। -बेबायदि दाबिखौ बिपिएफ दोलोनि गागि दैदेनगिरि, बिटिसिनि बारा' लेइइ गहाइ मावफुं सोद्रोमा आरो 1 नं. कक्राझार लकसभा बियाब बिपिएफ दोलोनि बिजाथि खाम्फा बरायारिआ दैखादों। मख'नो गोनांदि, दिने कक्राझार थाउन जामे मजिदयाव गोथार रमजाम दानखौ लोब्बा लानानै खुंजाय इफ्टार पार्टियाव बाहागो लानानै



खोर बिजानि सिगाइव बेबायदि दाबि खालामो। बिथाइ लोगोसे इडपिएल, बिजेपि आरो जिएसपिनि गेजेथ माबौर सोमोन्दो दड' बेखौ आरोबाव राइजो-राजाफोरा मिबिथिनो आद्रा गैला होना मख'नानै जेब्बा जुथाय दोलो दंब्बा मा जाहोनाव हिरा शरनियाआ

जोंजों लोगोसे जायखि-जाया लोगोयारि गैया होना राइजोयारि महरै बुंनो हायो आरो गावआरि महरै बिसायख 'थियाव बाहागो लानो हायो बेखौ सान्गांगो आयदा होना मख'दों। बेनि अनगायैबो बिपिएफनि बिजाथि बरायारिआ आं सासे बर' हारिनि सुबुं जानानै रोखा खालामना होयोदि, बर' भटार राइजो-राजाफोरा इडपिएलनो भट होनाय नडा, आथिखालाव 70-72 जोखोन्दो सुबुंफोरा (□ 5 बिलाइआव)

## कुमारिकातायाव दरं-उदालगुरि लकसभा बियाब बिपिएफनि बिजाथि दुर्गा दास बर'आ बिसायख 'थियारि फोसावदिं मेल खुंदों



हाबाफारिखौ लाबेदों। दिने तामुलपुर जिल्लानि सिडाव थानाय कुमारिकातायाव बिजाथि दुर्गादास बर'आ बिसायख 'थि फोसावदिनाय हाबाफारि खुडो। बिपिएफ दोलोनि बिजाथि दुर्गा दास बर'आ बिजेपि, इडपिएल दोलोखौ बायदि रवजों सोखरिनानै नांगोलनि सावगारियाव भट होनो खावलायो। मख'नो गोनांदि, कै गौ 3 पधिलयाव नमिनेसनलाइ गथायगोन बिपिएफ (□ 5 बिलाइआव)

## जर'खा बिजिरसालिआ दायनिगिरिनो 30 बोसोरनि जोबथेसालिनि साजा होदों

कक्राझार, 30 मार्च: कक्राझारनि जर'खा बिजिरसालिया दिने मोनसे खोनासं होनायनि गेजेरजों सासे दायनिगिरिनो 30 बोसोरनि श्रम जोबथेसालिनि साजा होनाया राइजो-राजाफोरनि गेजेराव गोजोन्नाय होदों। मिथिनो मोन्नाय बादिब्बा कक्राझार जे कचनि जर'खा बिजिरसालिया 30 बोसोर श्रम जोबथेसालिनि साजा फोनांनय जिनाहारि खालामनाय जाथयनि दायनिगिरिआ जादों हबिबुर रहमान (27)। मख'नो गोनांदि, दायनिगिरिआ 30 बोसोर श्रम जोबथेसालिजों लोगोसे 50 रोजा रनि जुरिमाना होनायनि रायदान होनायाव जुरिमाना होयाब्बा उक्रायै



बोसोरसे सम जोबथेसालियाव थानांगोन। रायखानो गोनांदि, हबिबुर रहमानआ न'नि खाथियाव लोगोजों गेलेबाय थानाय सासे 11 बोसोर बैसोनि उन्दै हिन्जावसाखौ मबाइल दिन्थिगोन होनानै न' सिडाव लांनानै जिनाहारि खालामनांमोन। दायनिगिरि हबिबुर रहमाननि हँथायै पक्क' आइनि (□ 5 बिलाइआव)



तामुलपुर, 30 मार्च: कै गौ लकसभा बिसायख 'थिखौ लानानै राइजोयनि राजखाथिनि थासारिया बयनिबो नोजोराव गोल्लेनाय समावबो दोलोयारि मेल-आफादजों मोनफ्रोमबो राजखाथि दोलोफोरा बिसायख 'थियारि फोसावदिनाय हाबाफारि लाबाय थानायखौ नुनो मोन्नाय जादों। बेबायदिनो 4 नं. दरं-उदालगुरि लकसभा बियाबखौ बिटिसिनि बारा' गहाइ मावफुं सोद्रोमा हाग्रामा महिलारीनि दैदेनाय बिपिएफ दोलोनि बिजाथि दुर्गा दास बर'आबो बायदि गामिफोराव बिसायख 'थि फोसावदिनाय

## बड'लेण्ड मुलुगसोलोंसालियाव बर' बिफाननि हायुडारि सावरायमा खुंदों

कक्राझार, 30 मार्च: कक्राझारनि देबोरगावआव थानाय बड'लेण्ड मुलुगसोलोंसालियाव दिने बरमा कलेज बर' बिफान आरो बड'लेण्ड मुलुगसोलोंसालिनि बर' बिफान जु थाइयै बान्जायनायाव 'थुनलाइआव समाज सान्थौ, मोनसे बां सोलोंथायारि आयदानि गेजेरजों आयदाखौ लाना हायुंआरि सावरायमा हाबाफारि लादों। हाबाफारिआव बाहागो लानानै बड'लेण्ड मुलुगसोलोंसालिनि भाइस चेन्सेलर प्रफेसार बाबुलाल आहुजाया दिनेन बे हायुडारि



सावरायमाखौ बेखेवनानै होयो। हाबाफारिआव मोनैबो सोलोंसालिनि बर' बिफाननि गासे सा 50 सो बिबुंगिरि आरो फरायसाफोरा बाहागो लादों होना बान्जाय आफादिनि लिंथुमगिरि

लोगोसे बड'लेण्ड मुलुगसोलोंसालिनि बर' बिफाननि लोगो बिबुंगोरा ड॰ बिजिरगिरि बसुमतारिआ फोरमायदों। सेमिनारआव बाहागो लानाय गासे बिबुंगोरा आरो फरायसाफोरा गाव-गावनि थियारि खालामनानै लाबोनाय आयदाखौ फरायथिनानै होदों। बड'लेण्डनि मुलुगसोलोंसालिनि बर' बिफाननि गहाइ ड॰ बौमिक चन्द्र बर' बिथांआ बे हाबाफारिखौ बान्जायनायनि थिखि आरो गोनांथिनि सायाव गुवारे फोरमायना होदों।□

## मुसलपुरआवबो बिटिआर सोलोंथाइ बिफाननि बड'लेण्ड जिउ राहा मेला खुंदों

बड'सा थान्दै/मुसलपुर, 30 मार्च: सोलोंथाइ लानायनि उनाव सासे फरायसाया गावबा गावनि जिउ राहाखौ लानानै माब्लाबा माब्लाबा जिगा सिनायखौ नुनो मोनो। बे जिउ राहाखौ नागिरिनानै गोबां फरायसाफोरा जाफुंसारो आरो माब्लाबा लामा आन्दायनानै थानांगो जायो। फरायसाफोरनि जिउ राहा दानाय थांखिजोंनो प्रमद बर' दैदेनाय बिटिआर सरकारआ बिटिआर हालामाव थानाय



फरायसाफोरनि मदत जानाय थांखिजों गोबां मावथांखिफोर लानायखौ नुनो मोन्दों। बिदिन्थि बायदिये बड'फा इउ एन ब्रह्म सुपार-50, जाय मावथांखिनि जोहै रांखाथिनि आंखालाव खाबु मोने गोबां गोसो गोनां फरायसाफोरा बेसेन नाइ जासे कसिं लानानै

## बाक्सानिफ्राय गोमानाय सानै गथ'फोरखौ मोनफिनबाय

सालबारि, 30 मार्च: जोबथारनायाव बोखानो मोनबाय बाक्सानिफ्राय गोमानानै थानाय सानै गथ'फोरखौ। गुवाहाटी नोगोरमानिफ्राय बोखानो मोनबाय 6 साननिफ्राय गोमानानै थानाय सानै गथ'फोरखौ। मख'नो गोनांदि, थानाय 24 मार्चनिफ्राय गोमानानै दंमोन मर्थगानि सानै गथ'फारिये सपनकुमार बर' आरो गपाल कृष्ण बसुमतारिआ। फु'बिलियाव न'निफ्राय ओंखार लांनाय (□ 5 बिलाइआव)

## तामुलपुर फरायसालिमायाव बड'लेण्ड केरियार मेला खुंदों



तामुलपुर, 30 मार्च: बड'फा उपेन्द्र नाथ ब्रह्मनि जोनोम सान 31 मार्चखौ राइजोय सरकार फरायसा सान महरै फालिनो फोसावदों। बे फरायसा सानजों लोब्बा लाखिनानै बिटिसि सरकार तामुलपुरआव दिने बड'लेण्ड केरियार मेला खुंजाय जायो। बिटिसिनि सोलोंथाइ बिफाननि बान्जायनायाव आरो एबसुनि हेफाजाबाव बिटिसिनि दरफ्रोमबो जिल्लाजों लोगोसे दिने तामुलपुर फरायसालिमानि लांगोनायाव फरायसा सानजों लोब्बा लाखिनानै बडनलेण्ड केरियार (□ 5 बिलाइआव)

## हादोरसानि गुबुन-गुबुन गोर्जो मासिनि सरकारि साखि मोनायखौ नुनो मोन्दों। बेबायदिनो (□ 5 बिलाइआव)

हादोरसानि गुबुन-गुबुन गोर्जो मासिनि सरकारि साखि मोनायखौ नुनो मोन्दों। बेबायदिनो (□ 5 बिलाइआव)

## सुजुगिरिनि खोलोम



## बड'फानि जोनोम सानाव फरायसा सान

दिनेनि सान एबा 1956 माइथायनि 31 मार्च अक्टयाव बर'फोरनि नख 'रसेआव गेदेमा सुबुं बड'फा उपेन्द्र नाथ ब्रह्मआ जोनोम जादोंमोन। गोर्लैसोनानै थानाय बर'फोरजों लोगोसे गुबुन गुबुन उन जालानाय जौगाख'नो हायै थाखोन सुबुंफोरनि गेजेराव थरसे गोर्जों हाथखि महरै नुजाफैनायै बर'जों लोगोसे गुबुन गोर्लैसोनानाय हारिफोरखों सरकारि आगे गुबुन गुबुन थाखोनि सोबख'ग्रा, गादबरा आगे नासयनानै लाखिग्राफोरनि हेंथायै जुजिनानयनि लामा दिन्थिलानाय बड'फा उपेन्द्र नाथ ब्रह्मआ दिनें जौनि गेजेराव गैलिया। बिथां गेदेमाया बुहुमनि मावसोमनानै जाग्रा सुबुंफोरनि खोसेथियै जांखिखानायनि गेदेमा सान 1 मे अक्टयाव जौखौ अरयनि थाखाय नागरानांनै बे संसारनिफ्राय आनज्राय लाडे।

दिनें गेदेमा सुबुं बड'फा उपेन्द्र नाथ ब्रह्मआ जौनि गेजेराव गैलिया। नाथाय बिथांनि मावलांनय हाबा, होलांनय बिहोमा आगे आदर्शफोरा अरय सम गोर्जोर जानानै थालांनय। बड'फानि दिन्थिलानाय, मावकुंलांनय हायै आद्रा थानाय खामानिफोरखों मावकुंनयनि बिबाना बे समाव साफ्रोम हारि अन्सुला बर'साफोरनि बिबानाव गोर्लैबाय। बड'फानि डाइनामिक लिडारसिपआव मिबंथि जायै-सिनाय जायै बर'हारिया मुलुगनाडेनो मिबंथिसार जानो हाबाय, आगे बेनो मोनसे देरहासादनाय। बिथांनि बे देरहासादनायनि फिथाइ महरैनो बर'फोरा मोनसे एखुथा आगे सोद्रोम आखुनि हारि महरै सिनायथि मोनो हाबाय। बड'फाया बर'फोरनिल'दैदेनगिरि नड, बिथाइ उन गोर्लैसोनानै थानाय, जुगे जुगे सोबख'नानै गादबनानै जाजानाय फिसा फिसा हारिफोरनि राजखान्थियारि, समाजआरि न्याय बिजिनय, सुबुं मोन्थायनि लामा दिन्थिग्रा सासे डाइनामिक दैदेनगिरिमोन बिथाइ। बड'फाया समाजनि गोनां-गैयै, रौनाय-रौडै, मोन्नाय-मोनै, राजखान्थियारि खैसारजों बोखावनाय खान्थिनि बेरेखायै जुजिग्रा, सोबख'जानाय थानो-जानो-गानो गैजायै दुखुथिया सुबुंफोरनि समाजआरि मर्यादा आगे रांखांथियारि समान्थायनि थाखाय जुजिग्रा सासे राफोद दैदेनगिरिनि सिनायथि।

थुलुंगाफुरिआव दिदोमयै गसनानै थानाय बड'फानि मुसुखाया थुलुंगानि फुंखा (Source of inspiration) आगे समाजआरि मर्यादानि नैसॅनि (Symbol of Social Justice) जानानै थानिगोन। बिथाइ जौखौ फोरलंनय, -जुग जुग गादबनानै, सोबख'नानै जाजानायनिफ्राय हारिखौ उदां खालामनो, गावनि राव-थुनलाइ आगे हारिमुखौ मुलुगआव गेवलांसार खालामनो आगे सिमांखौ मोखथां महर होनो। बिथाइ जौखौ फोरलंनय, -जौनि हालामनि सिडव मोनसे गोर्जोन समाज दानो, जेराव बयनिबो थानानै थानायनि रहा जागोन।

बड'फा उपेन्द्र नाथ ब्रह्मआ बर'फोरनि गेजेराव फोनानै गानलांनय आबाव फिथाइखौ दिनें ओन्सोलानि गासैबो थाखोन, समाजनि सुबुंफोरनो मोनजानायनि लामा मोनबाय, रौडैखौ फोरलंनय, मोनैखौ बिख'नो, दाबिनो आगे जांखिनो फोरलंनय। बिथांनि बे आगोमा बोसोन, आदर्श आगे बिहोमा होलांनयनि थाखाय बिथांखौ मान होनानै अरयसम गोसोखांथियाव लाबोनो बड'फानि जोनोम सानखौ आसामनाडेनो 'फरायसा सान' फालिनो आसाम सरकारआ गनायथि होनानै सरकारि बन्द फोसावबाय। बेयो थारैनो सोबख'जानायनिफ्राय उदां मोन्नाय फिसा-फिसा हारिफोरनि थाखाय रंजाथाव आगे गोग्माथावनि बाश्न।

## दिनेनि फान्जामुथि

## राशि बाइदियै मुनि गिबि हांखो

मेघः अ ल वृषः ऊ ऋ (उ ए इ) मिथुनः क ङ (ङ ञ)  
कर्कटः ड ह सिंहः म ट कन्याः प ट (ण ष)  
तुलाः त र बुध्चक्रः ब न धनुः ध ङ (ढ फ)  
मकरः ख ज कुम्भः ग श (स) मीनः द च (ख ज झ)

**मेघः** माखौबा लानानै गिनाय सोमजिनो हागौ। गोसोखौ लोरबां लानो नाड।

**वृषः** बेफार फालांगि मावनायाव रां खावरि मुलाम्फा मोनो हागोन। गोर्जोन मोनगोन। मोर्जां सान।

**मिथुनः** माबाफोर जेनायाव गोर्लैबायनो हागौ। जैरेबो सांग्रां जानानै थानांगोन।

**कर्कटः** नख 'रआव गोर्जोन्नाय गैया सोमजिनो हागौ। जैरेबो सांग्रां जानानै थानांगोन।

**सिंहः** मोर्जां रौंगथिनि थाखाय फोसावजानो हागौ। रौंग'थिआ बांगोन। गोर्जोन मोनगोन।

**कन्याः** सोरजौबाफोर लोगो हमनो खोथा दड'बा हमहैनो हागोन। मोर्जां सान।

**तुलाः** बे राशिनि थाखाय गोथार सान। मोर्जां हाबा मावनानै लानो हागोन।

**बुध्चक्रः** रां-खावरि खामायनायाव खस्ट मोन्नांनो हागौ। गोसो हमथानानै सोलिनांगोन।

**धनुः** बायदिसिना सानानै जिंगा सिनांनो हागौ। गोसोखौ लोरबां लानो नाड।

**मकरः** जेखि जाया शुभ खामानि मावनो हागोन। सान्नाया जाफुनो हागौ।

**कुम्भः** आसा खालामनानै थानाया जाफुंसारनो हागौ। गोर्जोन्नाय मोनगोन।

**मीनः** माबाफोर मुवा-बेसाद मोनो हागौ। बे राशिनि थाखाय गाहाम सान। गोर्जोन मोनगोन।

## बड'फानि बिहोमा आगे बिबुंथि

दुलाराय बर' फरायसा आफादनि बै समनि आफादगिरि आगे बोगदाद जोहोलाव बड'फा उपेन्द्र नाथ ब्रह्मआ 1959 माइथायनि 11 जानुवारीआव कक्राझार जिल्लानि सिडव थानाय दतमा सार्केलनि बरागारि गामियाव मोनसे निखावरि नख'राव बिथाइ जोनोम मोन्दोंमोन। बिथाइ 1967 माइथायाव गामिनि गुदि फरायसालिनिक्राय वृत्ति लानानै उथिसारनो हायो। बेनि उनाव थाखो 'ड' खौ दतमा एमइ फरायसालि, सि आगे डाइन थाखोखौ दतमा गोर्जौ फरायसालियाव फरायो। बेनि उनाव 1973 माइथायाव बिथाइ खाथिनि शक्तिआश्रम भकेसनेल गोर्जौ फरायसालियाव फरायनानै 1975 माइथायाव मेट्रिक आन्जादखौ सानखान्थि आगे उफ्रा सानखान्थियाव लेटर नम्बर लानानै सेथि थाखोयाव उथियो। बेनि उनाव बिथाइ गोर्जौ सोलौंथाय लानो थाखाय गुवाहाटीनि कटन फरायसालिमाआव फरायहैनानै 1977 माइथायाव पि एउ सि आगे 1981 माइथायाव बि एस सिखौ अनार्स लानानै उथिसारो। बेनि उनाव गुवाहाटी मुलुग सोलौंसालिमानिक्राय 1986 माइथायाव एमएससि आगे 1987 माइथायाव आथिखालनि कक्राझार सरकारि फरायसालिमानिक्राय बि ए थाखोखौ उथिसारो।

सोलौंथाय जिउखौ गोसो गैयामोनब्लाबो बिथाइ बेवनो फोजोबनानै नख 'रनि हालोदखौ नायनानै आन्जादनि गेजेरजों इन्काम टेक्सनि सरकारि साखि मावयो। नाथाय हारिनि बै समनि अलखद, जेना आगे थासारिखौ नूनानै गाबखानाय

दिनें 31 मार्च एबा मार्च दाननि जोबथा खलार। बर'नि बिफा महरै गनायथि मोन्नाय बड'फा उपेन्द्र नाथ ब्रह्मनि जोनोम सान। बड'+फा=बड'फा। बड'फानि ओंथिया बड'नि बिफा। उपेन्द्र नाथ ब्रह्मनि जोनोमा कक्राझार जिल्लानि दतमानि बरागारि गामियाव जादोंमोन।

आसामनि मानगोनां गिबि मन्थि हिमन्त बिश्व समनि दैदेन्नाय सरकारआ "आसाम फरायसा सान" फालिनो थाखाय 2022 माइथायनि सेप्टेम्बर दानाव आसामनि केबिनेट सेप्टेम्बर दानाव आसामनि केबिनेट जथुमाव आसामनि बड'फा उपेन्द्र नाथ ब्रह्मनि जोनोम सानखौ गनायथि होदोंमोन। बेयो थारैनो बरायजाथाव आगे बे थांखिआ बड'फा उपेन्द्र नाथ ब्रह्मनि बिहोमाखौ नांगौबादि मान होनाय जादों होन्ना सानो हायो। बेखौबो मिर्जि थिनो हायोदि, गुबुन-गुबुन जाहोनफोरनि थाखाय बर' हारिफोरनि गोबाव समनिफ्रायनो सोलिबोनाय जानगारनाय आगे आलादा नोजेरनि बेलायाव आसामाव गोरोबलायनयनि खौरां लाबोगोन आगे गुबुन-गुबुन हारि-माहारिनि गेजेराव खौसेथिखौ गोर्खों खालामगोन।

बर' सुबुंफोरा थागिबि हारिब्लाबो, गोबां जाहोनफोरनि थाखाय बर'फोरखौ नेवसिनाय, सोबख'नाय, मान होयि आगे संबिजिरारि मोनथाइनिफ्राय जानगाराव दोन्नाय जादोंमोन आगे बर'फोरहा राजखान्थियारि रैखाथि मोनो थाखाय सुबुंखान्थियारि सोमावसारनायाव रोदा सुदोंमोन। मोर्जाइनो रौंगौथि गोनां, सोलो गोनां, नोजेर गोनां बर'फरायसा दैदेनगिरि रंसारि उपेन्द्र नाथ ब्रह्मआ आसामनि गुबै अस'मियाफोरजों गावनि मोर्जां सोमोन्दोखौ जुरिजेन्दोंमोन। गासै बर' हारिआ बिथांनि सानखिखौ आजावना लादोंमोन। बिथांनि सोमावसारनाया बबेबा मोनसे जुनिया हान्जानि एबा हारिनि हेंथा नडमोन। बिथाइ गाव माहारिनि थाखाय सरकारनिफ्राय मोन्नांगौ मान आगे संबिजिदयारि मोन्थायनि थाखायल' मोनसे सुबुंखान्थियारि सोमावसारनायखौ

- बाबुराम बसुमतारि  
गाहाइ सुजुगिरि, बड'सा

बड'फाआ गावनि जिउनि इयुन आगे नख 'रनि गात्रि हाल-सालखौ दोन्थ'नानैब्लाबो साखि नागरानयनि थांखि लानायनो फोरमान होयो, बिथाइदि-हारिनि थाखाय बेसेबां गाबखोडेमोन आगे सांग्रांथिमोन बेनि फोरमान दिन्थिलांनय। बै समनि दरं जिल्ला आगे आथिखालनि उदालगुरि जिल्लानि रौतायाव 1986 माइथायाव खुंनय दुलाराय बर' फरायसा आफादनि जथुम्याव आफादगिरि बिबान सामलायनयनि उनिक्राय बिथाइ राजखान्थियारि, रंखांथियारि, समाजआरि आगे सोलौंथायरि बिथिडाव गोर्लैसोनानाय, नासय जानाय, सोबख' जानाय दावगाख'नो हायै बर' हारिखौ बुहुमाव गेरमसा माहारि महरै गायसंलानायनि सुजुनाय सिमांखौ मोगथां महर होनो सुबुं सोमावसारनायखौ जागायजेन्दोंमोन।

भारत हादतनि सिडववनो उन गोर्लैसोनानै थालानाय बर' हारिनि थाखाय दरसे आलादा राइज्यो बड'लेन्ड दाबिनानै सोमावसारनाय समाव बिथांनि होनाय बिबुंथिफोरा दिनेंबो साफ्रोम बर'साफोरनि गोसो गोर्बांआव बिग्रायखानायनि, सोमावसारनायनि थुलुंगाखां सान्थि लाबोगोन। इयुनखौ सानहसनानै बुनाय बिथांनि बिबुंथिफोरा समजों जोबोरैनो गोरोबनायखौ नूनो मोन्नाय जायो। बड'फाआ

बुंदोंमोन, -'' दुलाराय बर' फरायसा आफाद (एबसु) नि सोमावसारनायजों बर' हारिया बुहुमाव मुंदांखा जागोन। ...जेब्ला मोनसे बिप्लब जायो, बेयाव जोबखानाय, गावसनाय फेयो। बेनि उनाव गोदान सोजिथाय फेयो। गावजों-गाव एना-एनि, गोरोबलायै, बुलाय-सोलायखौ फोजोबनानै गोरोबनाय, गोर्जोन फासै लाबोनयनि मोनसेल' राहाया जाबाय एबसुनि दैदेन्नायाव सुबुं जांखिखानाय।''

गामामायै बर' हारिया दिनें गोलाव बोसोर सोमावसारनानै भारत हादतजों लोगोसे दुलाराय मुलुगनाडेनो गावनि हारिनि सिनायथिखौ होनो हाबाय। बर'फोरनि गेजेराव हारि हिसाबै खौसेथिनि सिनायथिखौबो दिन्थिनो हाबाय। सोमावसारनायखौ जुरिजेन्नायनिक्राय लानानै गावनि जोबथा समसिम बड'फाआ गावखौ माब्लाबाबो बड'लेन्डनि सायाव आपस खालाम लाडाखै। 1988 माइथायाव बै समनि कक्राझार जिल्ला आगे आथिखालनि चिरां जिल्लानि रन्साइधाम गसाइगामिनि मोनसे गेवलां मेलाव बड'फाआ बुंदोंमोन-'' बर'फोरा थैजोबनानै जोबथारनायाव जोलैनो थाखाय आद्रा थानाय सिमहालांगै आलादा राइज्योनि थाखाय जुजिगोन। ...बिथाइ बुंदोंमोन-'' राइजो-राजाफोरा गोसो हमथा, गोर्जोन-अहिंसा आगे गनतान्त्रिक खान्थिजों

सोमावसारनायाव थायोब्लानो सानसे नड सानसे सरकारआ जौनि दाबिखौ गनायनानै लाथारनांगोन।'' थारैनो बड'फानि बे बिबुंथिफोरा बर' हारिनि जांखिखानाय सम, आथिखाल आगे इयुनि समावबो इयुन जोलै हान्जानो राफोद सान्नाय-हनाय आगे बिग्रायलु गोसो लाबोनयाव थुलुंगानि फुंखा जानानै थाबाय।

भारत संबिजिर आगे गनतन्त्रनि सायाव गोथौ फोथायनाय आगे मान होबोनय बड'फाआ सोबख'नाय, नासयनयनि गोर्खों हेंथामोन। बिथांनि गोथौ सान्थौ आगे नासय जानाय, सोबख' जानायफोरनि थाखाय आवास दैखांनोनायखौ लानानै सोमावसारनाय समनि मिरुनि लेबर आगे समाज अन्साय बिफाननि मन्थि राम बिलास पासवानआ बड'फानि हर्खाबै सोर्गोयारि जालानायाव गोथौ दुखु खालामनानै फोरमायदोंमोन-''जाखांफुनाय लाइमोन दैदेनगिरिनि रंसारि जालानाया बर'फोरनिल' खहा जायाखै, आसामजों लोगोसे दुलाराय भारतनि गोर्लैसोनानाय, जौगानो हायै उन जालानाय हारिफोरनि सुफुंख' हायै खहा जाबाय।''

दिनें बड'फाआ जौनि गेजेराव गैलिया। नाथाय बिथांनि गाव हारिजों लोगोसे, राइज्यो आगे हादतनि सोबख' जानाय, नासय जानाय हारिफोरनो थानानै थानायनि सोमावसारनो, मोन्थाय बिख'नो आगे जुजिनयनि लामा दिन्थिलानाय बिथांनि बिहोमा आगे आदर्शया इयुन हान्जानि फुंखा जानानै थाथों।

## 31 मार्च, आसाम फरायसा सानजों लोब्ला लाखिनानै आसाम फरायसा सान आगे माखासे मोन्दांथि

दिनें 31 मार्च एबा मार्च दाननि जोबथा खलार। बर'नि बिफा महरै गनायथि मोन्नाय बड'फा उपेन्द्र नाथ ब्रह्मनि जोनोम सान। बड'+फा=बड'फा। बड'फानि ओंथिया बड'नि बिफा। उपेन्द्र नाथ ब्रह्मनि जोनोमा कक्राझार जिल्लानि दतमानि बरागारि गामियाव जादोंमोन।

आसामनि मानगोनां गिबि मन्थि हिमन्त बिश्व समनि दैदेन्नाय सरकारआ "आसाम फरायसा सान" फालिनो थाखाय 2022 माइथायनि सेप्टेम्बर दानाव आसामनि केबिनेट सेप्टेम्बर दानाव आसामनि केबिनेट जथुमाव आसामनि बड'फा उपेन्द्र नाथ ब्रह्मनि जोनोम सानखौ गनायथि होदोंमोन। बेयो थारैनो बरायजाथाव आगे बे थांखिआ बड'फा उपेन्द्र नाथ ब्रह्मनि बिहोमाखौ नांगौबादि मान होनाय जादों होन्ना सानो हायो। बेखौबो मिर्जि थिनो हायोदि, गुबुन-गुबुन जाहोनफोरनि थाखाय बर' हारिफोरनि गोबाव समनिफ्रायनो सोलिबोनाय जानगारनाय आगे आलादा नोजेरनि बेलायाव आसामाव गोरोबलायनयनि खौरां लाबोगोन आगे गुबुन-गुबुन हारि-माहारिनि गेजेराव खौसेथिखौ गोर्खों खालामगोन।

बर' सुबुंफोरा थागिबि हारिब्लाबो, गोबां जाहोनफोरनि थाखाय बर'फोरखौ नेवसिनाय, सोबख'नाय, मान होयि आगे संबिजिरारि मोनथाइनिफ्राय जानगाराव दोन्नाय जादोंमोन आगे बर'फोरहा राजखान्थियारि रैखाथि मोनो थाखाय सुबुंखान्थियारि सोमावसारनायाव रोदा सुदोंमोन। मोर्जाइनो रौंगौथि गोनां, सोलो गोनां, नोजेर गोनां बर'फरायसा दैदेनगिरि रंसारि उपेन्द्र नाथ ब्रह्मआ आसामनि गुबै अस'मियाफोरजों गावनि मोर्जां सोमोन्दोखौ जुरिजेन्दोंमोन। गासै बर' हारिआ बिथांनि सानखिखौ आजावना लादोंमोन। बिथांनि सोमावसारनाया बबेबा मोनसे जुनिया हान्जानि एबा हारिनि हेंथा नडमोन। बिथाइ गाव माहारिनि थाखाय सरकारनिफ्राय मोन्नांगौ मान आगे संबिजिदयारि मोन्थायनि थाखायल' मोनसे सुबुंखान्थियारि सोमावसारनायखौ

- महेश्वर बसुमतारि  
सरुपथार, गलाघाट (आसाम)  
जानुं वुं नः 9613566057

उपेन्द्र नाथ ब्रह्म, जाय बर' हारिजों लोगोसे गासै आसामनिनो सासे सुबुं दोहों सुबुंमोन, 1990 माइथायाव मुम्बाइनि टाटा मेम'रियेल केन्सार हस्पिटालाव थैनि केन्सार जों नाखेबजानानै अबधिरायै रंसारि जादोंमोन। उपेन्द्रनाथ ब्रह्मनि रंसारि जानाय, जाय आसामनि थागिबि सुबुंफोरनि मोन्थायनि थाखाय सुबुंखान्थियारि सोमावसारनायाव संदानग्रादोंमोन, गुबैयै आसामनि गासैबो हारिनि थाखाय, थागिबि हारिनि थाखाय मोनसे सुफुंख'हायै खहा जानानै थालादों।

उपेन्द्र नाथ ब्रह्म, जाय बर' हारिजों लोगोसे गासै आसामनिनो सासे सुबुं दोहों सुबुंमोन, 1990 माइथायाव मुम्बाइनि टाटा मेम'रियेल केन्सार हस्पिटालाव थैनि केन्सार जों नाखेबजानानै अबधिरायै रंसारि जादोंमोन। उपेन्द्रनाथ ब्रह्मनि रंसारि जानाय, जाय आसामनि थागिबि सुबुंफोरनि मोन्थायनि थाखाय सुबुंखान्थियारि सोमावसारनायाव संदानग्रादोंमोन, गुबैयै आसामनि गासैबो हारिनि थाखाय, थागिबि हारिनि थाखाय मोनसे सुफुंख'हायै खहा जानानै थालादों।

उपेन्द्र नाथ ब्रह्म, जाय बर' हारिजों लोगोसे गासै आसामनिनो सासे सुबुं दोहों सुबुंमोन, 1990 माइथायाव मुम्बाइनि टाटा मेम'रियेल केन्सार हस्पिटालाव थैनि केन्सार जों नाखेबजानानै अबधिरायै रंसारि जादोंमोन। उपेन्द्रनाथ ब्रह्मनि रंसारि जानाय, जाय आसामनि थागिबि सुबुंफोरनि मोन्थायनि थाखाय सुबुंखान्थियारि सोमावसारनायाव संदानग्रादोंमोन, गुबैयै आसामनि गासैबो हारिनि थाखाय, थागिबि हारिनि थाखाय मोनसे सुफुंख'हायै खहा जानानै थालादों।

उपेन्द्र नाथ ब्रह्म, जाय बर' हारिजों लोगोसे गासै आसामनिनो सासे सुबुं दोहों सुबुंमोन, 1990 माइथायाव मुम्बाइनि टाटा मेम'रियेल केन्सार हस्पिटालाव थैनि केन्सार जों नाखेबजानानै अबधिरायै रंसारि जादोंमोन। उपेन्द्रनाथ ब्रह्मनि रंसारि जानाय, जाय आसामनि थागिबि सुबुंफोरनि मोन्थायनि थाखाय सुबुंखान्थियारि सोमावसारनायाव संदानग्रादोंमोन, गुबैयै आसामनि गासैबो हारिनि थाखाय, थागिबि हारिनि थाखाय मोनसे सुफुंख'हायै खहा जानानै थालादों।

## दिल्ली-इउपिजों लोगोसे माखासे राइज्योफोराव अखानि एलार्ट फोसावदों



गोदान दिल्ली, 30 मार्च: सा भारतनि राइज्योफोराव गरमआ आगान होफेबाय। आथिखालाव थानाय शुक्रवारखालि हानाय अखाजों बोथोरआ एसे सुगलायदों। बेनि गेजेरजों बोथोर बिफानआ सा-सोनाब भारतआव 30-31 मार्चसिमाव अखा खोरुमनायजों लोगोसे अखा आगे हिमालय ओन्सोलफोराव गोबां अखा हानायनि सन्देह फोरमायदों। बोथोर बिफानआ दिनें मनिपुर, मिजराय, त्रिपुर आगे हिमालयनि सोनाब बंग आगे सिक्किमआव अखा हानायनि सन्देह फोरमायदों। बेनि अनगायै अरुनाचल प्रदेशनि आलादा-आलादा जायगाफोराव गोबां अखा आगे बरफ गोर्लैनायनि सन्देह फोरमायो। लोगोसे 30 मार्चनिफ्राय 1 एप्रिलनि समाव आसाम आगे मेघालयाव सरासन्ता अखानि सन्देह फोरमायदों। बेनि अनगायै नागालेण्डआव आलादा-आलादा

जायगाफोराव गोबां अखा हानायनि सन्देह फोरमायदों। आइएमडिआ हारदरनि माखासे राइज्योफोराव गोबां अखा आगे बारहुंखा बारनायनि सांग्राथि फोसावदों। बिफाननि बादिब्ला, सा-सोनाब भारतआव सरसन्तानिखुइ गेजेर थाखोनि अखा आगे बारहुंखाखौ नूनो मोनो हागौ। बेनि अनगायै 30 निफ्राय 31 मार्चसिमआव सोनाब हिमालय ओन्सोलाव गोबां अखा हानो हागौ। लोगोसेनो सा-सान्जा भारतआव 30 मार्चनिफ्राय 1 एप्रिलनि गेजेराव बारहुंखाखौ लानानै एलार्ट फोसावदों। बोथोर बिफानआ दिनें जम्मु-काश्मीर, लाडाख, गिलगित-बाल्टिस्टान, मुजफ्फराबाद, हिमाचल प्रदेश आगे उत्तरखन्डआव बारहुंखाजों लोगोसे सार अन्थाय गोर्लैनायनिबो सन्देह फोरमायदों। बेजों लोगोसे बोथोर बिफानआ गोबां अखा आगे बरफ गोर्लैनायनि सांग्राथिबो फोसावदों।

# हेमन्त सरननि जेलआव थानायनि समआ 60 सान आबुं जाबाय

रन्चि, 30 मार्च: रन्चिनि बडगाइ ओन्सोलनि 8.46 एकड्नि हा गेना खान्थियाव झारखान्डनि आगुनि सिएम हेमन्त सरननि हेथार्ये इडिआ 30 मार्चयाव स्पेशल पिएमएलएआ कर्ट्याव चार्जशीट फाइल खालामनो हागौ। बे के सआव एजेन्सिआ नायबिजिरनायखौ आबुं खालामना लाबाय। सरनखौ थानाय 31 जानुवारीयाव ग्रेप्टार खालामदों मोन। बिनि बिजिरसालिनि जिम्मायाव 60 साननि थाखाय थानाय दिनें 30 मार्चआव आबुं जाबाय। सासे दायनिगिरिखौ ग्रेप्टार खालामनायनि 60 साननि गेजेराव चार्जसिट फाइल



खालामनाया गोनान्थार जायो। सुबुनि बायदिल्ला, ग्रेप्टार खालामनायनि उनाव इडिआ हेमन्त सरनखौ रिमान्डयाव लानानै 3 फेब्रुवारीनिफ्राय जेरा सेबनाया जागायदों मोन। बिजिरसालिनि बिथोनाव बिजिरसालिनि रिमान्डनि समखौ खेबने बारायना होदों मोन।

आरो बिनाव गासै 13 सानसिम हा बायनाय, हवाटसएफ चेटिं, अफिसारफोरनि ट्रान्सफार-पस्टिडव लेनदेनजों लोगोसे माखासे आयदाफोरनि सायाव सोंथि दिखंदों मोन। सरनआ माखासे आयदाफोरनि सायाव थोंजों आरो अजद गोनान्थि फिन्नाय होयाखै होन्ना

एजेन्सिआ कर्टनो फोरमायदों मोन। सरनआ हायाव गावनि गेना खान्थिनि बाथ्राखौ लान्थि यै नेवसिगारबाय थादों। बेयाव इडिआ बिसोरनि सिगाइव बडगाई अंतलनि रेभिनडि साब इन्सफेक्टर भानु प्रताप प्रसादनि मबाइलनिफ्राय मोन्नाय 8.46 एकड् हानि फोरमानखौ लाखिदों मोन। सरनआ आथिखालाव 4 एप्रिलसिमाव बिजिरसालिनि जिम्मायाव दड'। इडिनि चार्जशीटनि उनाव बिनि हेथार्ये केस सालायनायनि उननि हाबाफारिया जागायगोन।

## बेसेन सामलायनो थारवाय सरकासआ फालांगिरिफोरनो गोरखों बिथोन हस्टों

गोदान दिल्ली, 30 मार्च: हर्डिं आरो वेटिखौ होबथानो थाखाय मिरु सरकारआ शुक्रबारखालि हादरआव गमनि गासैबो खुसरा आरो थक फालांगिरिफोरखौ 1 एप्रिलनिफ्राय मावख'थारि पटेलआव गावनि स्टकनि बागै मिथिहोनांगोन होन्ना नै फोसावथि होदों। बेयाव बुंबावदोंदि, उननि बिथोन मोनजासिम मोनप्रोम शुक्रबारआव स्टकनि बागै आपडेट होनांगोन। आदार आरो राइज्योयारि रनसार बिफानआ बुंदों, बियो बेसेनफोरखौ सामलायना लाखिनो आरो हादरआव मोनसारनायखौ रोखा खालामनो थाखाय गम आरो माइरनि स्टकआव गोखों नोजोर लाखिसिनो। बे बिथोनआ गासैबो राइज्योफोर आरो मिरुजों खुंजानाय राइज्योफोरनि फालांगिरिफोर आरो थक फानग्राफोर, खुसरा फानग्राफोर, गोबां बिबाडव खुसरा फानग्राफोर आरो हाबाफारिफोरनि सायाव गोहोम गोनान्थि जागोन। गासैबो लोब्बा गोनान्थि आइन फसंथानफोरा बेखौ रोखा खालामनान्थि पटेलआव स्टकखौ नेमखान्थि आरो मोजां



रोखोमै फोरमायथिनाय जानांगोन। राइज्योफोर आरो मिरुजों खुंजानाय राइज्योफोरारव फसंथानफोरनि थाखाय गम स्टकनि सिमनाया 31 मार्चआव जोबथागोन। बेनि उनाव फसंथानफोरा पटेलआव गमनि स्टक थानायखौ मिथिहोनांगोन। गासैबो थाखोनि

फसंथानफोरा माइरनि स्टकखौ सिगानिफ्रायनो मिथिहोदों। मख'जाथावदि, जायखि-जाया फसंथानआ जाय पटेलआव रेजिस्टर्ड नड, बेफोरो रेजिस्टर्ड खालामनो हागोन आरो खेबप्रोमबो बृहस्पतिबारकालि गम आरो माइरनि स्टकखौ मिथिहोना जागायनो हागोन।

# भारतआव लेखा गोरोंफोरनि बेकार अन्जिमाया लेखा रोडैफोरनिखुइ 9 गुन बांसिन: रिपर्ट

गोदान दिल्ली, 30 मार्च: इन्टरनेसनल लेबर अर्गेनाइजेसन (आइएलए) नि मोनसे सुलुनि बादिब्ला, भारतआव गोजौ सोलोंथाय लानाय लाइमोनफोरनि खामानि गैजायै बेकार जानायनि हारआ बै सुबुंफोरनि रुजुनायाव बांसिन, जायफोरा फरायसालिनि सोलोंथाय लायाखै। सुलुनि बादिब्ला, लोखा गोरों ग्रेजुएटफोरनि खामानि गैयै बेकारनि हारआ 29.1 जौखोन्दोमोन। बे हारआ लेखा फरायै सुबुंफोरनिफ्राय 9 गुन बांसिन। लेखा रोडैफोरनि बेकारनि हारआ 3.4 जौखोन्दो। 2022 आव 15-29 बोसोर बैसोनि लाइमोन बेकार भारतयारिफोरनि हारआ 88.6 जौखोन्दोमोन। बेनि अनगायै आइएलएनि अन्जिमानि बादिब्ला, लेखा रॉनाय बेकार लाइमोनफोरनि जौखोन्दोआ 2000 माइथायनि 54.2 जौखोन्दोनि रुजुनायाव बांनानै



65.7 जौखोन्दो जाफैबाय। सुलुनि बादिब्ला, गेजेर आरो गोजौ सोलोंथाय लानाय लाइमोनफोरनि बेकार हारआ 6 जौखोन्दो बांसिनमोन। बेयो 18.4 जौखोन्दोमोन। मख'जाथावदि, लेखा गोरों बेकार लाइमोनफोरनि गेजेराव आइजोफोरनि बाहागोआ 76.7 जौखोन्दो। बेराफार्से हौवाफोरनिआ 62.2 जौखोन्दोमोन। आइएलएनि अन्जिमा बादिब्ला, गामियारि

ओन्सोलफोरनि रुजुनायाव सहारि ओन्सोलफोरा बेकारनि गोजौ थाखोनि हारखौ नुनो मोनो। भारतनि लेबर मार्केटआव आइ निउ आइएलए सुलुनि बादिब्ला, लेबानि स्कील आरो बाजारआव सोमजिखानाय साखिफोरनि गेजेराव गोबां गोरोंबज्जायै दड'। सुलुनि बादिब्ला, भारतआव बेकारआ गाहायै लाइमोनफोरनि मोनसे जेंनामोन। जर'खायै गेजेर थाखोनि सोलोंथाय आरो बेनि

बांसिन सोलोंथाय लानाय लाइमोनफोरनि गेजेराव बे जेंनाया बांबोबाय थादों। अन्जिमानि बादिब्ला, भारतयारि रंखान्थियाव आबाद नडै सेक्टरफोराव गोदान इडुकेटेड युथ लेबर फर्सनि थाखाय थोजासे परिश्रम गोनान्थि दिहुन्नायाव फेलें जाबोदों। बे बांबोनाय बेकारनि हारआ दुखुनांथाव थासारिखौ दिन्थियो। भारतआव लाइमोन बेकारनि हारआ मुलुगानां थाकोनिफ्रायबो बांसिन जाबाय होन्ना नै सुलुडव फोरमायदों।

## नरसिमहा राव आरो चौधुरी चरण सिंजों

### लोगोसे सा 5 नो भारत रत्न बान्था गथायबाय

गोदान दिल्ली, 30 मार्च: हादतगिरि द्रौपदि मुमुआ दिनें भारतनि आगुनि गहाइ मन्थि पिभि नरसिमहा राव आरो चौधुरी चरण सिंजों मरणपरन्त भारत रत्न बान्थाजों मान बावो। बेजों लोगोसेनो ग्रिन रिभलुसननि जोहोलाव होन्ना बुंजानाय बिगियानगिरि एमेस स्वामीनाथन आरो बिहारनि बारा' गिबि मन्थि कर्पुरी ठकुरखौबो मरणपरन्त भारत रत्नजों मान बानाय जायो। बान्था रननाय फोबोंखौ राष्ट्रपति भवनआव खुंजाय जादों। बयनिबो मान बान्थाखौ बिथामोननि



नख'आआजवदों। बारा' गहाइ मन्थि पिभि नरसिमहा रावनि फिसाज्जा पिभि प्रभाकर रावआ हादतगिरिनिफ्राय गावनि बिफानो होनाय मानबान्थाखौ आजावो। बान्था रननाय हाबाफारियाव लेखइ

बोसोराव मोन 5 भारत रत्न बान्थाफोरखौ फोसावदोंमोन, जेराव बिजेपिनि मुंदांखा दैदेनगिरि आरो बारा' लेडाइ गहाइ मन्थि लालकृष्ण आडवाणीआबो नुजाथिदों। कर्पुरी ठकुरनि फिसाज्जा रमनाथ ठकुरआ भारत रत्न बान्थानि थाखाय गोजोन्नाय फोरमायदों आरो बुंदोंदि, मिरु सरकारआ बिथानि बिफानि हाबा मावनायखौ गनायथिना बे बान्थाजों मान बावदों।

हादतगिरि जगदिप धनखडू, गहाइ मन्थि नरेन्द्र मदि आरो गुबुन मिथिसारजानाय सुबुंफोरा नुजथियो। सरकारआ बे

## दिल्ली दै बर्ड गेना खान्थियाव इडिआ चार्जसिट फाइल गथायदों



गोदान दिल्ली, 30 मार्च: दिल्ली दै बर्ड गेना खान्थि केसआव इडिआ चार्जसिट फाइल खालामदों। बेयाव आचिर लानाय गहाइ इन्जिनियर जगदिश अरडा आरो ठेकेदार अनिल आगरवालखौ दायनिगिरि खालामदों। सुलुडव फोरमायनाय बायदिल्ला, दिल्ली दै बर्ड गेना खान्थि केसआवनो इडिआ गिबि मन्थि अरविन्द केजरिवालनोबो समन फोसावदोंमोन। नाथाय जेरा सेबखानायाव बाहागो लायाखैमोन। बेनि सिगां फेब्रुवारीयाव आम आदमी पार्टिनि दैदेनगिरिफोरनि गं 12 केम्पफोराव सिगोमदोंमोन। इडिनि बायदिल्ला, दै बर्ड गेना खान्थिनि रंखौ आम आदमी पार्टिनि दैदेनगिरिफोरनो होदों। रंखौ एपिनि इलेक्सन फाननि थाखायबो होदों। इडिनि बायदिल्ला, बे गेना खान्थियाव दिल्ली दै बर्डनि बै समनि सिफ इन्जिनियर जगदिश अरडाआ बे बाथ्राखौ मिथियोबोदि, कम्पनीया टेक्निकल इलिजिबिलिटी क्राइटेरियाखौ आबुं खालामा, 38 कौटि रनि ठेकेखौ एमएस एनकेजि इन्टरप्राइजोनो होदोंमोन। जगदिश अरडानो घुस लानाय रंखौ आम आदमी पार्टिजों सोमोन्दो गोनान्थि सुबुंफोरनिसिम सौहेहोदोंमोन। बे केसआव 31 जानुवारीआव इडिआ जगदिश कुमार अरडा आरो अनिल कुमार आगरवालखौ ग्रेप्टार खालामदोंमोन।

## बिसायख'थि आयगआ एग्जिट पलनि सायाव होबथानाय फोसावबाय

गोदान दिल्ली, 30 मार्च: लकसभा बिसायख'थिनि थियारिफोरा गाजा-गोमजायै सोलिगासिनो दड'। फार्सेथिं रजखान्थियारि दोलोआ आबुडै खस्ट खालामनायाव नांथाबदों। बेराफार्से बिसायख'थि आयगआबो जेबो खाबुखौ नागरनो लुबैयाखै। बे समाव बिसायख'थि आयगआ आरोबाव मोनसे खौरां फोसावदों। गोदान खौरनि बायदिल्ला, 19 एप्रिलनि फुनि 7 रिगानिफ्राय 1 जुनि बेलासिनि 7:30 रिगानिमाव जायखि-जाया एग्जिट पलनि सायाव



होबथानाय जाबसिन्ना होदों। बे समाव जेबो एग्जिट पल खालामनो हानाय नड आरो बेखौ फोसावनो हानायबो नड। बिसायख'थि आयगआ एग्जिट पलखौ लानानै मोनसे खौरां फोसावना होदों। बे खौरनि बायदिल्ला, 19 एप्रिलनि फुनि 7 रिगानिफ्राय 1 जुनि बेलासिनि 6:30 रिगानिसिमनि गेजेराव एग्जिट पल खुंनो बेखौ फोसावनायनि सायाव होबथानाय जाबसिन्ना होयो। सुलुडव फोरमायनाय बायदिल्ला, लकसभा बिसायख'थिखौ नोजोर होनानै बिसायख'थि आयगआ बे रोखोमनि खौरांखौ फोसावो। बेनि सिगांनो हादतनाडै कड अफ कन्डाग सोलियो। बिसायख'थि आयगआ लकसभा बिसायख'थिजों लोगोसे गुबुन-गुबुन राइज्योफोरनि बिधान सभा बिसायख'थिफोरनि अक्ट'फोरखौबो फोसावो। बे समाव लकसभानि अनगायै दरखे राइज्योफोरनि बिधान सभा बिसायख'थिनि थाखाय आलादा-आलादा खोलोबाव भट जागोन। लकसभा बिसायख'थिफोरनि अनगायै भट जागोन। लकसभा बिसायख'थिफोरनि अनगायै अन्ध्र प्रदेश, अरुणाचल प्रदेश, उरिष्ठा आरो सिक्किमनि बिधान सभाफोरनि बिसायख'थिबो जागोन। बे समाव दर 12 राइज्योफोरनि मोन 25 राइज्योफोरनि मोन 25 बिधान सभा मासिफोराव आलादायै लेखइ बिसायख'थिबो जागोन।

## 1 एप्रिलनिफ्राय इ पि एफ अ निफ्राय फारस्टेगसिम नेमखान्थिफोरा सोलायगोन

गोदान दिल्ली, 30 मार्च: गोदान रंखान्थि बोसोर जागायनो बारा गोबाव सान गैलिया। मोनफ्रोमबो गोदान रंखान्थि बोसोरजों लोगोसे माखासे गोदान नेमखान्थिफोरा गोहोम गोनान्थि जायो, जायनि गोहोमआ सरासन्ना नोगोरारिफोरनि रंखान्थियाव गोलेयो। फेगौ 1 एप्रिलनिफ्रायबो बिबिन्दो माखासे गोदान नेमखान्थिफोरा सोलायगोन। बेयाव इपिएफअ, फारस्टेग आरो एसबिआइ क्रेडिट कार्डजों लोब्बा गोनान्थि आबो दंफायो। इपिएफअनि फार्सेनिफ्राय 1 एप्रिलनिफ्राय गोदान नेमखान्थिखौ फोसावनो हागौ। बे गोदान नेमखान्थिनि गेजेरजों इपिएफ एकाउन्ट हल्डारफोरा गावनि साखिखौ सोलायनाय लोगो लोगो बिनि गोजाम पिएफ बेलेन्सआ गोदान एकाउन्टआव




ट्रेन्सफार जागोन। बेनि मुलामफाया बेनोदि, जेब्ला साखिआ सोलायनायनि उनाव नोंथाडा गावनि पिएफ बेसेन्सखौ गोदान एकाउन्टआव ट्रेन्सफार खालामनानायनि गोनांथि जानाय नड। बेयो अटमेटिक जागोन। इपिएफअनि अनगायै नेसनेल पेन्सन सिस्टेम (एनपिएस) नि लग-इन प्रसेसआवबो 1 एप्रिलनिफ्राय गिदिर सोलाय-सोल' जागोन।

समाव गोजाम टेक्स रिजिमखौ सेलेक्ट खालामाब्ला 1 एप्रिलनिफ्राय गावनो गाव गोदान टेक्स रिजिमआ सेलेक्ट जागोन। बेराफार्से एसबिआइ कार्डनि फार्सेनिफ्रायबो क्रेडिट कार्डनि खान्थिफोराव गिदिर सोलायहोनाय जागोन। गोदान खान्थि बादिदै एसबिआइनि गासैबो क्रेडिट कार्डनिफ्राय भारखौ गथायनायाव रिभर्ड पडन्टस मोन्नाय नड। बे सोलायनाया माखासे क्रेडिट कार्डआव 1 एप्रिलनिफ्राय गोहोम गोनान्थि जागोन। मख'जाथावदि, फारस्टेगनि नेमखान्थिआबो 1 एप्रिलनिफ्राय सोलायगोन। 31 मार्चसिमआव फारस्टेगनि केवाइसि प्रसेसखौ आबुं खालामाब्ला नोंथानि फारस्टेगआ 1 एप्रिलनिफ्राय खामानि होनाय नड।

## इस्टार्न नागालेण्ड पिपुल्स अर्गेनाइजेसनआ दर 6 जिल्लाफोराव बिसायख'थिखौ नेवसिनायनि थांखि फोसावदों

गोदान दिल्ली, 30 मार्च: लकसभा बिसायख'थिआ खुंजानो बारा गोबाव सम गैलिया। बेनि थाखाय गोखों थियारि खालामनायखौ नुनो मोनगासिनो। बे समावनो नागालेण्डनि मोनसे हान्जाया बिसायख'थिखौ नेवसिनायनि थांखिआव गोखोडै दड'। नागालेण्डनि मोनसे हान्जाया आलादा राइज्यो दाबिनानै लकसभा बिसायख'थिखौ नेवसिनायनो फोसावदों। इस्टार्न नागालेण्ड पिपुल्स अर्गेनाइजेसन (इएनपिअ) आ नागालेण्डनि दर 6 जिल्लाफोरखौ लानानै दरसे आलादा खुंथाय एवा राइज्यो दाबि खालामदों। बिसोरनि बादिब्ला, जेब्लासिम गावसोरनि दाबिआ

आबुं जाया अब्लासिम राइज्योनि मोनसेल' लकसभा मासिनि गैलिया। बेनि थाखाय गोखों थियारि थांखिआव गोखोडै थागोन। थानाय बृहस्पतिबारखालि तुएनसांआव सा 20 एमएलएफोर आरो गुबुन गुबुन आफादफोरजों माराथन क्लज डर कडिनेसन जथुमनि उनाव इएनपिअ दैदेनगिरिफोरा फिन शुक्रबारखालि राइज्योआव 19 एप्रिलखालि जानो गोनान्थि लकसभा बिसायख'थिखौ नेवसिनायनो गोखों थांखि फोसावदों। सा 20 एमएलए गोनान्थि सान्जा नागालेण्ड एमएलए आफादआ सिगाडवोनो इएनपिअखौ



गावनि थांखिनि सायाव फिन सानखानो खावलायदोंमोन। नागालेण्डनि सान्जा बाहागोआव 8 मार्चनिफ्राय जागायनाय

पाब्लिक इमार्जेन्सिआ सोलिलान्बाय थागोन। बे समाव ओन्सोलनि मोन 7 नागा जनजातिफोरनि जौसिन फसंथान

इएनपिअ आरो बेनि गहाइ आफादआ जायखि-जाया बिसायख'थि अभियाननि गनायथि होयाखै। दर 5 जिल्लाफोराव जौसिन नागा आफाद इएनपिअ आरो बेजों लोब्बा थानाय आफादफोरा गावसिनि आलादा राइज्यो दाबिनायखौ हेफाजाब होनानै थानाय बोसोरनि 27 फेब्रुवारीनि बिधान सभा बिसायख'थिफोरखौबो नेवसिनो खावलायदोंमोन। नाथाय उनाव मिरु नख'र मन्थि अमित शाहआ फोथायथि होनायनि उनाव बिसोरो गावसिनि थांखिखौ बोखानानै लाफिन्दोंमोन।

# एप्रिल दानआव दावबायहैथाव हादरनि माखासे समाइना मिथिंगाजौं अबुं हाजोयारि जायगाफोर

मार्च दाननिफ्रायनो जौंनि हादर भारतआव गरमआ जागायदौं आरो फैगो एप्रिल दानआव गरमआ बांसिन जाहैगोन। सुबुंफोरा गोलोम बोथोराव गुबुन दाबसे गुसु जायगा हिल स्टेसनफोराव छुट्टि फालिहैनो प्लानिं खालामो। उत्तराखन्ड आरो हिमाचलआ गोलोम बोथोराव दावबायनायनि थाखाय मख'जाथाव। नाथाय बेफोराव गोलोम बोथोरनि समाव होंगो-दोंगोआ बांसिन जायो आरो ट्राफिकजौं लोगोसे माखासे जेनाफोरबो जानाडे। जाउनाव गोसो बादियै रंजानाय लाबोनो हाया। बेनिखायनो गाहायाव फोरमायथिनाय माखासे जायगाफोराव दावबायहैनानै एप्रिल दाननि आलादा नुथायखौं नायनो हायो। बेफोर जाबाय-



**काश्मीर:** मार्च-एप्रिल दानआव काश्मीरनि सोमखोर समयना मिथिंगाखौं नायनो हायो। बेखौं बुहुमनि सोगो होन्नायबो जायो। बेबादि बुंनायनि मोन्दाथिखौं बैयाव थाडोब्लानो बुजिनो हागोन। देज्जां बोथोरनि अनगायै जायखि-जाया समावनो काश्मीर हायेनआव दावबायनो हागोन। नाथाय गोबां बोथोरआव जायगाफोरा अबुंडै बरफ खोबनानै थायो। बेनिखायनो आथिखालनि समानो साबरसिन।

**पचमड्डी:** हिल स्टेसनआव थांनो गोसो गुदुब्ला आरो होंगो-



दोंगो गैयै जायगायाव गिदिनायनि प्लानिं खालामदोब्ला पचमड्डी हिल स्टेसनआ मख'जाथाव। सतपुड़ानि हाजोआव थानाय पचमड्डीनि थिखिनिआव थांनानै गोजान-गोजान सोमखोर समयना

नुथायखौं नुनो मोनो। बैयाव मिथिंगानि समयना बिखायाव माखासे सम हगारनानैबो गोजोन्नाय लानो हायो। लोगोसेनो गोबां दै बाज्रुम आरो हाजो दन्दरफोरबो दड। बेयफासै ट्रैकिं अनफावरिफोरनि थाखायबो बैयाव ट्रैकिनिं खाबु दड।



**उटि:** उटिआ जुलि जागोदान जरानि अनगायै नख'रै दावबायग्राफोरनि थाखायबो मुंदांखा। मिथिंगानि समयनाजौं अबुं बे जायगाया एडभेन्चर लाभारफोरनि थाखायबो मख'जाथाव। उटिआव बेरायदिनायनि साबरसिन समआ एप्रिलनिफ्राय जागायो। बैयाव दावबायनो थाखाय गोबां जायगाबो दड।



**मेघालय:** मिथिंगानि निजोम हाजोआव बेरायदिनायनि थाखाय मेघालयाबो मख'जाथाव। एप्रिल दानआव बैयाव दावबायनाया साबरसिन होन्नानै बुंजायो। मानोना बे समाव गोबां गोजांनायबो जाया आरो गरमबो जाया। हाजोनिफ्राय गनाय दै बाज्रुम, ट्रैकिं आरो एडभेन्चरफोरखौं मोजां मोनग्राफोरनि थाखाय बैयाव आलादा नुथायखौं नुनो मोनो।

# रंजालि गथ'फोरनि सौरा

## सिफुनि रिउ रिउ

दिनै सिफुनि रिउ रिउ देखोडख नौनि मुंखौ गले गले गोसोआव जाखाफेदौं।

दिनै सिफुनि रिउ रिउ देखोआव नौनि जारैलि खवलाय महर-मुस्लिआ आनि मोखाडव रोमै रोमै नुजाफेदौं।

दिनै सिफुनि रिउ रिउ देखोआव नौखौ गोसोखानानै आनि गोसोआ जावलिआ जादौं।

दिपेन चन्द्र बर' रडिया, कामरूप

## जिउनि लैथो गथोन

दा आं बिदिन्थाजौं गोरोबफानो सोलौंदौं बेनिखायनो आं उन्दुसिहाबनाय गोथै सह'नि महर लादौं, समफोरा थांदौं हालो- दैलो गोदान गोजाम बोथोरफोरा खोन्दो - खोन्दो थांदौं आरो फैफिनदौं, बेसेबांआ गोबावसेमोन आं, आनि आंगोफोरनि खौरां लाज्जायैआ सम आरो थासारिजौं गोदान आंगोफोरा साफिफेदौं गोजाम आंगोफोरा बबेबा दाबसे जायगायाव आनज्जाय लादौं नौं आं गासैबो जिउनि लैथो गथोनाव आखायाव बैथा हम्ज्जायदौं जानांगौं जौं गावबा गावनि मोगथां मुलुगनि फिसा फिसा सिमांफोरखौं रनसायनो सोलौंदौं, आं सानब्रेनायनि लैथोआव सानसिबायो एखनब्ला लैथोनि गुथालखौं नुनानै बागदावखाडे बागदावनायजौं थोर थोर संखिखाडे जुमुदे मुजुनानै बिखाखौं खनथाम लासै लासै बुनानै लायो हरखाबै खुगानिफ्राय जिउ जिउ सोदोव रिंखाडे मोगथां मुलुगनि जिउनि लैथो गथोनाव।।।

बनमालि दैमारि बेनाबारि, बागसा

## मेचे दैमानि हरै रुगुडव

मेचे दैमानि हरै रुगुडव दखरसे मेचे( बर') रायजो, गोजोननि निहोर सिरियो आरो अननायनि दैमु बोहैयो गोजोनफुरि गामि बै आयनाबारियाव।

आनिनो आंगोनि आंगोसे बिदा फंबाय बिब' बिनानाव असे रुजु रुमुयै रायजो जाबोदौं हरै दखरसे ओनसोलाव नेपाल हादोरनि झापा जिल्लायाव।

मादे लदामानि गुणि ईब्रिया नाफाम लादुनि मारबरहा रोसिया फानस' आलौनानै खवलाय जाहाबनाया गोबां सेलुलयेदावसो बजा बोनना थोव हाबगरना थाबाव आनियाव।

बाजेदलायनाय नेता बौनि मेचे रायजोनि जारिमिन बुरखानाय बाकाबुरि बैनि बेसेनाडे बाका जाहोनाय गोसोखाफिनगारो हुरा हुरानो दान्दिसेयावनो दान्दिजोर सावगारि जरियायफैयो।

गोसो जायो फिन थाफिननो- मेचे दैमानि हरै रुगुडव।

बिरन्जय मसाहारी गामि: ढंठला ( गहपूर ) जिल्ला: बिरस्व 'नाथ

## गोरोबनै खन्थाइ

नौं अखाया हानाय थाखाय हादि बाला गुफु गाबाय नौं अखाया हानाय थाखाय बयबो गोजोननाय फोरमायबाय नौं अखाया हानाय थाखाय मिथिंगा बिखा थाजिमबाय नौं अखाया हानाय थाखाय आबादारिया रंजबाय नौं अखाया हानाय थाखाय हाखरनि एमबो गाबहांबाय

-रैदोम बर' माजदिया, बगुलामारि, बाक्सस

## सुंद'सल' वि.बरगयारी

# बोरै रिबन्थाबावनो आं

मोनाबिलि सम, समआ आन्दाजआव स्नि बाजिसो जाबायमोन। गोसोखांआ बायजोआव बेरायना फैनानै ओंखाम मोन सानदि' बड'सा खौरां बिलाड़ नायगासिनो दंमोन। फुं आव माखासे गोनां गोनां खौरांखौं नायखांनया खाय बिनि (गोसोखांनि) मोगना फानजामुथि लाइजामाव थाव गोल्देदौं गोसोखानि मुख सिगां अखरआ 'ग' जनायखाय रसिया कुम्भ। बैयाव लिखनाय दं ओरै:- "सप्तानि गेजेराव रांखावरि मोन्नायनि जग दं। मोजां मोनलायनायाव सानैनि गेजेराव गोरोब लायगोन खुसि फे गोन। सप्तानि जोबनायाव दावबायगोन"। फानजामुथिखौं नायखांनानै गोसोजौं गोसो सानबाय गोसोखांआ आतसा देमूआथ' आंखौं बावगार लांखाबाय बिदिब्ला फानजामुथिया जमारोना जामारा फालाय ना बोरैबाफोरसो मोजां मोनफिनबाय नामा। नाथाय नडा देमुआ आंखौं मालाबाबो मोजामोना। मालाय मेलेटारि हौवांबार स्लायबाय, बेयो माबोरै जानो हानो। मालाबोन गोसोखांआ सान्नायनि लैथोआव गोजावलांबाय, जेब्ला बिमाया मोदोमाव नारफैयो; अक्लासो गुरलुब बागदावो गोसोखांआ। एफसैनो खर'खौं फिदिनानै घडिछौं नायहरबाय समा मालाबानो 8.20 बाजिबाय। ओंखाम जानोसै फेद नोमफायाबो बबाव सुनोहंदौं दाबोनो फैयाखै होन्नानै बिमाया लें है बाय गोसोखांखौं। बिमाया गोसोखांखौं गोसोजौं गोसो अनेब्लाबो मालाइबायदि आफा होन्नानै गाबजिया। गोसोखांमोनाह ओंखामखौं सिलहायावनो जायो। मानसियाबो एसेल' गाव (गोसोखां) बिब' दंमोन हाबा जाहैबाय बिनावाय माया, बिमा बिफा, दाहोना सानै आरो रुवाथि सासे। गासै दा स्नि जोन। ओंखाम लाबोबाय हैदिन खालि ओंखैआबो गैया खालि जोगोनाथल'। दिलिपआ (गोसोखां बिफा) बिबि आसागिखौं (गोसोखां बिमा) हेबनाय रावजौं बुंहरदौं, दिलिप महाजोनआ बे

बायदि ओंखैजौं ओंखाम जाया, दाबो एसेनो मिथिरोड बबाव बुरै थारखो जादो, दखानाव रावबो खरज खालामनो थाडाखै। दिलिपआ गोसोखां थाब्ला दावरौआ एसे खम। दिलिप होमबाथारा देलायसि गामिनि मानसिफ्रा मानियो। अथसो गोसोखां बिफा दिलिपआ गामिनि गावबुरा, गामिनि दावराव दावसिखौं फोजेबग्र। अब्लाबो गावनो मानसिफोरजौं नांलायनायनि अन्जमा गैया आरो जौ फेनायनि अन्जमा गैया। दिलिपआ ओंखाम जानायाव खर'आव निसा लानानै बुंगासिनो दुगा-दुगानो, आं खथ' गामिनि मानसिफोरखौं जौ लौनाय नालाय खमलाय फोरखौं बाद होयो आरो संग्रा सिख्लाफोरखौं नुजायो। अब्ला गोसोखांआ बुंहरदौं बिफाखौं गुरै रावजौं- नंगौं आफा बेफोर बायदि गाञि आखुफोरखौं फोसाव नांगो, नाथाय आफा मालाइनि मोखांखौं हुगारनायनि सिगां गावनि आखायखौंनो साफायै सिगां सुप्रोनानै लानांगौं। अब्ला दिलिपआ फिसाज्जानि थिं मिलौ नाहरनानै गंफिनदौं आरो दिलिपनि खुगानि खोथा माखाफ्रा लासे लासे गोमालांदौं। बेफोर बायदि अखनबा खोथाजौं खोथा थरक आरो अखनबा राइज्जायनाय बायदिसिनाजौं ओंखाम जानाया एसे गोबावसिन जासिनदौं। बेनिफ्राय गावबा गावनि खथायाव गय जाखानानै हाबहैलायबाय। अखानाय, हैदिन खालि रबिबर समा नै बाजिसो जाबायमोनदं अरुपा बिखुनजो आसागिनाव हाबहैदौं बैबासेनो बर'बाजारवाव सि डि लांथावथाव। बिखुनजोखौं नुस्लाब मोना अरुपआ मिनिस्तु जानानै सौंहरदौं गोसोखां बैनाय गैया आरो मायायालाय? गैया गोसोखां बिजिनियाव कर्मपिउटार सोलौंहेंदौं आरो मायाया लोगोफोरनाव बेरायहेंदौं होन्नानै आसागियाबो मिनिस्तु जानानै फिन्दौं दसे सम जरिया खानायनि उनावबो अरुपआ थावथांनो बुरैफोर होन्नानै बुडासै। अब्ला बिखुनजोआबो सोडो दानो मानो इसि हाखु दाखु जावै? माबा बुरैफोर बर'बाजारवाव सि डि लांफाथाव थावसो हाबफैदौं आं होन्नानै अरुपआ फिनो। हा बावव देखायनो जावै सोडो

आसागिया। बे मालिफारायावनो (जौं गामियावनो)। हा फिलिम आलाय माथोनौं जावै? सोंबावो आसागिया। फिलिमआ- "बोरै खिन्थाबावनो आं"। फिलिमनि मुंखौं खिन्थानानै अरुपआ थाव सिखारो आरो बुंबावो थांनोसै बुरैफोर दा मोनाहैगोन आंहाबो राइजोनि खामानि लानानै फेनाय गाञि मोनलायगोन होन्नानै अरुपआ बिखुनजोखौं खुलुमनानै ओंखार लाडे। आसागिया देथांदौं जावै होन्नानैल' गल' नाहरो आरो गोसोजौं गोसो सानबायल' "बोरै खिन्थाबावनो आं"! हा मा खिन्था जालायि फिलिमसि बिलाय। खिबाजानि बे हिन्जावफोर नायजायै होन्नानय बि.एफ. ना माथेफ होन्नायासो खोमारो। नडाबा मानोथो खिन्था जालाया। बायदिसिना सान्नांनै आसागिआ सियाराव जबाय थायो।

साना सोनाब रुबैयाव दोबैबाय, सान्दुआ गुरै दुख सुआ जाबाय। जेन, आसागि खामानि मावनायखौं नुनानै साना अनखांदौं फुनिफ्रायनो खामानि मावनाय। फिसाय दिलिपआथ' नंजां बाजां गामिनि खामानि मावनायबानानै जौ लौंबायबायनानै नोसमखौं हगर हरो। नाथाय आसागिआ मालाय बायदि माहाजोन न'खरनि बिसि होन्नानै दुगी, बाहादुरि देखाया। गावनो रुवाथिजौं लोगोसे मावफाबाय थायो आरो मावथिबो मावथि आसागिआ नांगोल मथिल' दांनो बाखि। खिबाजानि दांनो हामनायमोनब्लाथ' हालौंगोमोनानो। बे बायदि हिन्जावआ दा समाजाव आखायनि हांखोआव सानजोबनो हानाय। रुवाथिआलाय मा मावयो खालि सानावल'सो, बिहा (आसागिया) मोनायावबो रुवाथि सावरि जाहेंदौं आसागिया नांगोल मथिल' दांनो बाखि। आथै, आथै होन्नानै गाबजि हरो मायाआ रावखौंबो सिलहायाव नुहु रैखाय सिलहा गाफैग्रोन मोना लोगोफोरजौं बहाबा बेरायनानै फैनानै। मा ओंखाम संदौं आं होन्नानै सेंहरदौं बिमाया इंसिनिफ्रायनो। दसे उनाव आसागिया फिसाजो नो खिन्थाफैयो माया नो गुंमै फेदौंमोन। गुंमै फेदौं! बहाथो? गोमोनाय फावजौं सोडो मायाया

बिमानाव। थांबाय सि डि लांफेदौंनो बर' बाजारवाव आरो नै माया नौं गुंमैआ आं फिलिमनि मुंखौं सोंबावो बेखौंनो खिन्थालांलायाथिखसै। माबा ओरैसो बुंबाव- " बोरै खिन्थाबावनो आं"। मायाया विमाखौं खे खे मिनिनानै बुंबाव जाम्बि जाम्बि फिलिमनि मुंआनो विनो मालाइ, होमब्लासो आसागिआ गावबो ख'खे मिनियो आसागिया हे ओंखामा खामसिगोन होन्नानै इंसिआव थोव हाबहैयो मायायावो गावनि खथायाव थोव हाबहैयो।

## भबानिपुनि पद्मप्रिया थुनलाइ-हारिमु हान्जानि सा 13 जर'खा सुबुंफोरनो बान्था गथायनो फोसावदौं

भबानिपुनि, 30 मार्च: भबानिपुनि समाजयारि, थुनलाइ, हारिमुवारि आफाद, 'पद्मप्रिया साहित्य संस्कृटिक गस्टि' (पद्मप्रिया थुनलाइ हारिमुवारि हान्जा) निफ्राय 2023 माहथायनि पद्मप्रिया साहित्य बान्था, शब्द आरिमुगिनि बान्था, शब्द सौरभ बान्था, दिनबन्दु बान्था आरो महियसि आसाम बान्थानि बान्था मोनगिरिफोरनि मुंखौ हाबाफारि बायदिहै फोसावना होदौं। दिने पद्मप्रिया थुनलाइ हारिमुवारि हान्जानि आफादगिरि आरो नेहाथारिया मिबथिहोदौंदि, पद्मप्रिया साहित्य बान्थाखौं शंकरदेब मुलुगसोलांसालिनि गिबि शंकरदेब बिबुंनिगि आरो जर'खा सोलांथायगिरि-थुनलाइगिरि गुवाहाटीनि ७ दयानन्द पाठक आरो लक्ष्मीपुरनि मानिक चन्द्र सनवलमोननो गथायदौं। आरिमुगिनि बान्थाखौं फरिहै लिगिदि, शव सोलोथायगिरि किंस दास (गुवाहाटी), लिगिदि दिलिप दास (भबानिपुनि), खन्थायगिरि-लिगिदि गितिका देबी (गुवाहाटी), सलमागिरि दिपान्जलि दास (गुवाहाटी) मोन्नो गथायना होदौं। सब्द सौरभ बान्थाखौं फारिहै- सल भागिदि बन्दना नाथ ठाकुरिया (नगाव), देखोगिरि गितामनि बायन (बरपेटा), खन्थायगिरि हेरन चन्द्र कलिता (नगाव), खन्थायगिरि उपामनि शकि्या (गुवाहाटी, शदिलापुर) आरो खीरगिरि शयेल केटान (नगाव) मोन्नो गथायदौं। लोगोसेनो समाजनि थाखाय गोसो नांथाबनानै सिबिथाय होनाय साजेन भुजा (गुवाहाटी, पान्जाबारि)नो दिनबन्दु बान्था आरो गुबुन गुबुन दाफुजानाय खामानि आरो आइजो जोगाखानायनि थाखाय खामानि मावनाय सातसरीनि गायसनिगिरि मन्दिर बरुवा (गुवाहाटी) नो महियसि आसाम बान्थाखौं गथायनाय जादौं। पद्मप्रिया थुनलाइ हारिमुवारि हान्जानि आफादगिरि आरो नेहाथारिया मिबथिहोनाय बायदिहै हान्जाया बोसोरारि मेलयाव बे बान्थाफोरखौं हाबाफारि बायदिहै गथायना होगोन।

## धैकियाजानि फोथाराव आइपिएल जुवानि सासे बुकिखौं हमदौं



भबानिपुनि, 30 मार्च: सालबारि महकुमा पुलिस बिबानगिरि निलुतुपल शकियानि दैदेन्नायाव आनन्द बाजार पुलिस थानानि बिबानगिरिनि हेफजावब आनन्द बाजार पुलिस थानानि सिडाव थायाव धैकियाजानि पोथार गामियाव थांनय हरआव आइपिएल जुवानि सासे बुकिखौं हमनो हायो। हमनो हानाय बुकिखौं धैकियाजानि फोथार गामिनि इउसुफ आलि (32) होन्नानै सिनायथिनो मोन्दौं। पुलिसआ मोन्से सिग्रोमनाय हाबाफारि लानानै धैकियाजानि फोथार गामिनि गावनि न'निफ्राय आइपिएल जुवानि बुकि इउसुफ आलिखौं हमनो हायो। पुलिसआ इउसुफ आलिनिफ्राय जुवायाव बाहायनाय गंसे मबाइल हेन्ड सेट, नोगोद 1310 रं बोखानो हायो। पुलिसआ बोखानो हानाय मबाइल हेन्ड सेटआव अनलाइन जुवानि गोबां फोरमायथि मोन्नो हादौं।

# कक्राझार जिल्ला कंग्रेसआ बिजेपि सरकारनि हेंथायै खुद्रिसारदों

कक्राझार, 30 मार्च: “जेब्ला बिजेपिआ गियो अब्ना इडि आरो सिआइडि दैथायहरो, बिजेपि मुर्दाबाद, एनडिए सरकार जोबस्तां लांथों” बायदि स्ल 'गानजों दिनें कक्राझार सहरआ गोमखाडो। बिजेपि दोलोनि गोसो बादियै खुंथाय सामब्लायनायनि हेंथायै दिनें कक्राझारआवबो कंग्रेस दोलोनि मावथिफोर गोखों सोमावसारनाय हाबाफारि खुडो। हादतनि खुंथाय गोहोयाव थानाय बिजेपि सरकारनि गोसो बादियै हादत खुंनानयनि हेंथायै दिनें कक्राझार सहरआव जिल्ला कंग्रेसनि बान्जयानाय कंग्रेसनि मावखुलि रेन्रेड भवनआव खुंनानय बे सोमावसारनाय हाबाफारियाव आसाम प्रदेश कंग्रेस दोलोनि गोबां दैदनगिरि-



मावथिफोर बायदि रोखोमनि स्ल 'गान होनाइ बिजेपि सरकारनि हेंथायै गोखों सोमावसारो। बे सोमावसारनाय हाबाफारियाव आसाम प्रदेश कंग्रेस दोलोनि गहाइ नेहाथारि-

आरो कक्राझार लक सभा बियाबनि कंग्रेस दोलोनि बिजाथि गर्जन मुसाहारी आरो कंग्रेसनि गागि बुथिगिरि अस्विनि महन्तआ बाहागो लानाने खौरां बिजोनं सिगाडव बिजेपि सरकारआ बेरेखा

कंग्रेस दोलोखो गिनाने इडि-सिआइडि बाहयनाने सुबुं खुंथायि फार्सें खैफोद लाबोदों होना फोरमायनाने खुंथाय गोहोयाव थानाय बिजेपि सरकारखो गोखों रवजों सोंखायियो।

# सालबारिआव दुथानि गाग्लोबनायाव सासे बैसो गोर सुबुंनि जिउ गोमादों

भबानिपुर, 30 मार्च: सालबारि महकुमानि आनन्द बाजार पुलिस थानाणि सिडव थानाय गतिआव दुथानि गाग्लोबनायाव गोत्राबै जोखोम जानाय सासे बैसो गोर सुबुंआ थानाय हराव जिउ गोमानाय जाथाया ओन्सोल नाडे-नो गोत्रां फिनजाथाय सोमजिहोदों। मख 'नो गोनादि, गाग्लोबनाय जाथायाव गोत्राबै जोखोम जानायनि सान 3 नि उनाव जिउ गोमानाय सुबुंखो सालबारि खाथिनि रौमारिगामिनि थागिरि ज्यतिष दास (62) होनानै सिनायथिनो हादों। थानाय 26 मार्चीन हराव गति गामियाव खुंनानय दौल फोर्बेथिलिनि खाथियाव थानाय आग्रातारि गामिनि माधव कलिता (52) मुंनि सुबुज रौमारि गामिनि ज्यतिष दासखो इनयै गाग्लोबो। माधव कलितानि गाग्लोबनायाव ज्यतिष दासआ खर' आरो मोखां बाहागोआव गोत्राबै जोखोम जादोंमोन। गोत्राब थासारियाव ज्यतिष दासखो गिबियाव सालबारिनि देहा फाहामसालियाव लांनय जायोब्लाबो उनाव बरपेटा फकरुद्दिन आलि आहमेद फाहामथाय फरयासालिमा

देहा फाहामसालियाव थिसनहैनया जायो। नाथाय ज्यतिष दासनि देहानि थासारिया गोत्राब जानायाव जौगा फाहामथायनि थाखाय गुवाहाटी फाहामथाय फरयासालिमा देहा फाहामसालियाव थिसनहैनया जायो। गुवाहाटी फाहामथाय फरयासालिमा देहा फाहामसालियाव फाहामथाय लाबाय थानाय थासारियाव थानाय हरनि 1 सिगायाव ज्यतिष दासनि जिउ गोमायो। ज्यतिष दासनि थैनयनि उनाव रौमारिआव थानाय न'आव दिनें गोथै सहआ सहैनय लो-गो-न'आव दिनें गोथै सहाय संगलोबनायजों लो-गोसे रौमारि गामियाव दुंहाव थासारि सोमजियो। जाथायनि सोमोन्दै ज्यतिष दासनि नख 'रनि सुबुज जाथायनि दाननिगिरि माधव कलितानि हेंथायै आनन्द बाजार पुलिस थानायाव 27 मार्चआव मोनसे एजाहार थिसनहैनयो। नख 'रनि सुबुंफोर गसर थिसनयानि बिथायाव पुलिसआ संदानाय हाबाफारिखो जागायजेन्दोब्लाबो जाथायनि दाननिगिरिखो हमनो हायाखे होनानै आनन्द बाजार पुलिसआ मिथिहोदों।

गसाइगाव जिल्ला बिसायख 'थिनि नैसन स 'ना गाबनि मोखा 'भला' मुनि मास्क 'ट बेखेवदों गसाइगाव, 30 मार्च: खुंनो गोनां लक सभा बिसायखनिथिखो लानाने राजखाथि हान्जाफोर साखा-फारा खालामनाय समावनो दिनें कक्राझार जिल्लानि गसाइगाव जिल्ला बिसायख 'थिनि मेस्क 'ट स 'ना गाबनि मोखा 'भ'ला'खो बेखेवनाय जायो। गसाइगाव जिल्ला बिसायख 'थिनि बिबानगिरि आरन्त्यक शईकियाआ जिल्ला बिसायख 'थिनि मेस्क 'टखो बेखेवनाय फे गौ लकसभा बिसायख 'थियाव गोदान भतरजों लो-गोसे गसाइयो थाखोन भतर रइजो-रजाफोरखो सांग्रां खालामनो थाखाय एफ्बिइइपिनि गेजेरजों गुबुन गुबुन हाबाफारि आजावनाय जागोन होनानै फोरमायो। मेस्क 'ट बेखेवनाय हाबाफारियाव गसाइगाव जिल्ला बिसायख 'थिनि बिबानगिरिनि एफ्बिइइपि सेलनि नडेल बिबानगिरि मानस बरदलैजों लो-गोसे बिबानगिरि-मावफारियाफोर बाहागो लायो।

(☐ 1 बिलाइनिफ्राय)

## बे खेबनि बिसायख 'थियाव गल पस्टयाव गल किपार गैया, जेसेबां हायो एसेबां गल होनो ...

हास्थायिफन्दों आरो थामथि खेबनि थाखाय नेरन्द मदिआ गहाइ मन्थि जागोन। बिथाड बुन्दोंदि, 4 नं. दरं-उदालगुरि लकसभा बियाबआव जुथाय दोलोनि बिजाथि दिलिप शईकियाआ 3 लाख भतयाव देहागोन होना रोखा खालामना होबाव। दरं-उदालगुरि बियाव बायदिनो कक्राझारवबो बिजेपि-अगप जुथाय दोलो इडिपिपिलनि बिजाथिआ देहागोन। आथिखालाव आसामनि मोन 14 मासिनि गेजेराव मोन 12 नख, मोन 13 मासि मोनगोनो रोखा जाबाय होना गिबि मन्थि शर्माआ बुडो।

## बालिराम बर 'नि सान्थो आरो सानस्त्रिखो लानाने बर' हारिया खामानि मावनांगो दडः....

दुलाराइ बर' फरायसा आफाद आरो उदालगुरि जिल्ला दुलाराय बर' फरायसा आफाद जुथायै बिथानि आंगो गामि खोला हरिसिंगा मेम्बर बस्थियाव फालिबोनाय बायदिदैनो देरलायनि खुंगा 28थि मुखन् जेहोलाव बालिराम बर'नि मुखन् सानखोबो मोनसे गाब गोनां हाबाफारिनि गेजेरजों फालिनाय जादों। मुखन् सान फालिनाय हाबाफारि बायदिदे फुबिलि समाव दुलाराय बर' फरायसा आफादनि गोथार आरज मैथाइ रोजाबखांनयनि उनाव आफादनि फिरफिलाखो बिरहोयो मिरु दुलाराइ बर' फरायसा आफादनि आफादगिरि दिपेन बर'आ। लो-गोसेनो मुखन् गेदेमानि मुसुखायाव बिबार बावजेनगिरि महरै बाहागो लाना हाबाफारिखो मावफुंनो होयो मुखन् जेहोलावनि असे बिनानाव लाभाइन' बर'आ। बेनि उनाव फारियै बिबार बावो मिरु दुलाराइ बर' फरायसा आफादनि आफादगिरिनिफ्राय लानाने लेडइ आफादगिरि दिनेश ब्रह्म, बोसोनगिरि खुंजा स्वर्गियारि, गहाइ नेहाथारि खनिन्द्र बसुमतारि, दुलाराय बर' हारिमु आफादनि आफादगिरि बिजुबेल नेलसन दैमारि, उदालगुरि जिल्ला दुलाराय बर' फरायसा आफादनि आफादगिरि कर्नेलियास दैमारि, गहाइ नेहाथारि बाबुल बर, लो-गो आफादगिरि धरनि बर', नेहाथारि रमेन रामचियारि, मुखन्नि बिबानो नहा दैमारि बिथामोनाह। एबसुनि आफादगिरि दिपेन बर'आ गामनि बिबुथिनि गेजेरजों फोरमायोद, थानानै थानाय समाव बालिराम बर' बिथाड बर' हारिखो बुहुमाव गेरेमा हारि महरै सिनायथि होनो थाखाय जुबिनोनाय नांबोनाय बिथानि बेफोरबादि हारिनि थाखाय होनाय मोनफ्रोमबो बिहोमाफोरा जोंखो हारिनि थाखाय खामानि मावनायाव अरय बिहोमा आरो थुलुंगा होयो। 1989 माइथायाव मुखन् जेहोलाव बालिराम बर'नि असे फंबाय थंखेस्वर बर'आ आलादा रइन्जो बड'लेण्ड सोर्जिनो थानायाव नारा-नाथा नाजानायनि गेजेरजों गावनि जिउखो खोमानो गोनां जायो। एखे रोखोमैनो नख 'र मोनसेनिफ्राय सानै गेदेमा सुबुज जिउ खोमानो गोनां जानाया हारिनि थाखाय गोथै बावसोमनाय बेनिखायनो फेबाय थानाय समफोराव बिथामोननि हारिनि थाखाय बावसोमनायखो लाखिबोबाय थानायजों लो-गोसे इयुनावबो लाखिलांबाय थागोन होना गावनि बिबुथिआव बुंथिना होयो मिरु दुलाराइ बर' फरायसा आफादनि आफादगिरि दिपेन बर'आ। लो-गोसे मख 'नो गोनादि, जेहोलाव बालिराम बर'नि आद्रा जानाने थानाय सिमांफोरखो मोगथाडव मावफुंनानो थाखाय आरो बिथानि मुडें माखासे लुफुंजानो गोनां फरसथानफोरनि बागै बिटिआर खुंथायखो मदत होनो थाखाय खावलायनायजों बे बेलायाव बिथामोननि बावसोमनायनि थाखायनो दिनेंनि सानाव मोनथाम मोदथो बाधिया फारियै बिपिसि, बिटिसि, आरो बड'लेण्डनि आवथायाव बिटिआर गोजेन गोरोबथा, कार्कि आंलंनि बर'फोरनि जेनाया सुसांजानायनि लामायाव बेनिखायनो बालिराम बर'नि सानथौ आरो सानस्त्रिखो लानाने दिनेंनि दिनाव खामानि मावनो नांगो होनानै फोरमायनायखोबो दिनेंनि हाबाफारिनि गेजेरजों नुनो मोनया जादों।

## सालबारिनि काजियामाटि फथाराव बाइक ...

खावनाय पाल्सार मथर साइकेल, गंसे लेपटप, गंसे प्रिन्टर बोखानो मोन्यायजों लो-गोसे सासे सिखावखो हमनो हादों। मख 'नो गोनादि, सालबारि महकुमा पुलिस बिबानगिरि निलतपल शईकियानि दैदेन्यायाव पुलिसनि हान्जाया काजियामाटि फथार गामिनि जियारुल हकनि थाखुलियाव सिप्रोमनाय हाबाफारि लानाने गंसे खावनाय पाल्सार 150 मथर साइकेलखो बोखानो मोन्दों। बेनि अनगायै बोखानो मोन्याय मथर साइकेलनि रेंजिप्रेसन नंखाय खालामगा गंसे लेपटप आरो प्रिन्टरखोबो पुलिसआ बोखानो। लो-गोसेनो मथर साइकेल, लेपटप, प्रिन्टर खावनाय खामानियाव लोब्बा थानाय सिखाव जियारुल हकखोबो पुलिसआ हम्मे। बोखानो मोन्याय खावनाय मथर साइकेलआ थानाय 2017 माइथायनि 17 अक्टबराव गुवाहाटी फटशिलनिफ्राय गोमादोंमोन।

## तामुलपुर फरायसालिमायाव बड'लेण्ड केरियार...

मेला खुंनया जायो। बे केरियार मेलायाव फाहामथाय, बिरोंदामिन, बैकिं आरो खुंथायारि आन्जादाव उथिसारनो थाखाय माबायदियै थियारि खालामनांगो बेनि सायाव सावरयनाने मेलायाव बाहागो लानाय माखासे फुंखा सुबुंफोर फरायसाफोरखो दावगालानो बोसोन होयो। तामुलपुर जिल्लानि गासे सा 200 निबो बांसिन फरयासाफोरा बाहागो लानाय बे केरियार-मेलायाव फुंखा सुबुंफोर आलादा-आलादायै माखासे बाहागोयाव रनाने फरायसाफोरनो कार्डिनलि होनायनि अनगायैबो फरायसाफोरखो जिउनि थांखिसिम सहैनो थाखाय खालामनो गोनां खस्त आरो बाडसोमनयनि सोमोन्दै गुवारे फोरमायनाने होयो। तामुलपुर जिल्ला एबसुनि लो-गो सोलोंथाइ नेहाथारि गबारा बर'आ दैदेन्याय हाबाफारियाव एबसुनि मिरुनि सोलोंथाइ नेहाथारि सोमावसार बसुमतारि, सरकारी आयुर्बेडिक फरयासालिमानि प्रफेसार डा: ज्यतिष शर्मा, लो-गो प्रफेसार डा: बिशाल प्रियम डेका, कक्राझारआव थानाय विनेस्वर ब्रह्म इन्जिनियारि फरयासालिमानि लो-गो प्रफेसार आणुप्रियम ब्रह्म, तामुलपुर फरयासालिमानि गोरायुं ठू जगेन बर', तामुलपुर सिनियर सेकेण्डरि फरयासालिनि गोरायुं अंसिम डेका, एबसुनि मिरुनि लो-गो हारिमुवारि नेहाथारि बुडिराम बसुमतारि, तामुलपुर जिल्ला एबसुनि आफादगिरि बानेस्वर नाजरी, तामुलपुर जिल्ला एबसुनि लेडइ आफादगिरि फुकन बरन, गहाइ नेहाथारि मिलन आर बरनजों लो-गोसे गोबां फरायसा दैदेनगिरिफोर बाहागो लायो। गुबुन फार्सेथिं, तामुलपुर जिल्ला एबसुनि बान्जयानाय 31 मार्चआव सानसेनि हाबाफारिजों तामुलपुर फरयासालिमायाव फरयासा सान फालिगोन। फरयासा साननि लोब्बाजों फरयासाफोरनि गेजेराव सावगाारि बोनाय, रयथथाइ लिस्ना बदायलायनाय आरो सोंगाब बदायलायनाय बायदि हाबाफारि खुंनया जागोन होनाने बान्जयारिफोर मिथिहोदों।

## बाक्सानिफ्राय गोमानाय सानै गथ फोरखो ...

समनिफ्राय सानैबो गथ 'फोर न' फार्से गिदिना फैफिनखेमोन। जाथायनि सोमोन्दै नख 'रनि सुबुंफोर दाब-दाब जागयायव नागिरनायनि उनाव जेबो खौरां मोनो हायैयाव आनन्द बाजार पुलिस थानाय गोमानायनि गसर थिसन्दोंमोन नख 'रनि सुबुंफोर 16 साननि उनावबो बिसोर सानैनि जेबो खौरां मोनो हायैयाव गिगासियाव गोर्लनाय नख 'र खौरां बिजोनं हेफाजाब लायो। थानाय शुकुबारखालि गुबुन गुबुन खौरां बिजोंआव गथ 'सा गोमानायनि खौरांखो नुनाने गुवाहाटीनि गनेशगुरिनि गंसे बारनि बिगोमाआ फन खालामनाने नख 'रनो खौरां हरो। उनाव जाथायनि सोमोन्दै पुलिसनो फोरमायहनायाव पुलिसनि हेफाजाबाव सानैबो गथ 'खो न 'सिम लाबोनाय जायो। मख 'नो गोनादि, सानैबो गथ 'आ थानाय 24 मार्चनि फुंभिलियार साइकेलजों गुवाहाटीआव कामानि मावनो होनाने न 'निफ्राय आंखारलादोंमोन। खामानि मावनो होनाने आंखारलांनय सानैबो गथ 'फोर सान-हर उखेहाबनाने हालाय-हाफाय खामानि नागिरना मोनेनि उनाव सानैबो गनेशगुरिनि गंसे बरनि बिगोमायाव खामानि मावनो लायो। खौरां बिजोंआव सानै गथ 'नि खौरांखो नुनाने बार बिगोमाया गथ 'सानैनि नख 'रआव फन खालामनाने फोरमायहरो। मख 'नो गोनादि, सानै गथ 'नि गेजेराव सासेया बावसेया सिगां खुंनया मेट्टिक आन्जदआव जिरायदोंमोन आरो गुबुन सासेया 10 थाखोनि फरयासा।

(☐ 1 बिलाइनिफ्राय)

## कक्राझार प्रेस क्लबआव एमपि नब' कुमार शरनियानि ....

खुंनाने एमपि नब' कुमार शरनियाआ दाबि खालामनाने बुडोदि, से नम्बरनि थाखाय रवजोंबो जुजिनो गोनां जानाय नख, नाथाय नै नम्बरनि थाखाय गुबुन हान्जाफोर जुजिलायगोन। लो-गोसे कक्राझार बियाबनिफ्राय हेट्टिक खालामनाया रोखा होनाने बिथाड बुडो। बिथाड बुंबावोदि भारताबावो बर'-अबर' राजखाथि थखालामाखे होना रोखायो दासिमबो बिटिसिनि एसटिफोरनि खाथियाव सफेनो हायाखे। बेनिखायनो बे खेबाव बिथाड फिन एमपि महरै बिसायख 'जायोब्ला बिटिसिआव थिसन्थाय सोरंजिनो थाखाय उद्यग गायसन्थानि बिथिहाव गोनाथि होगोन होनाने बिथाड फोरमायो। लो-गोसे एसटिफोरनि थाखाय मिरु एसटि जौगाथाय बिफानजों मावफुंनय बिथिथिफोरनि खामानिफोरखो मावफुंनो होनाने खौरांगिरि मेलाव एमपि नब' कुमार शरनियाआ फोरमायो। बेनि अनोगायैबो बे खेबाव बिथाड फिन एमपि महरै बिसायख 'जायोब्ला एसटिफोरनि सायाव जेबो रोखोमनि खहा लाबोया लासेनो मोन 6 हारिनो एसटि होनायनि बिथिडाव गोनाथि होगोन होनानेबो बिथाड फोरमायो। बिथाड माब्लाबावो बर'-अबर' राजखाथि थखालामाखे होना रोखायो फोरमायनाने बिथानि सायाव बर'-अबर' सोखवल्तु राजखाथि खालामदों होना अजद देखानाया बिथा गैयै होनाने दाबि खालामो। बिथाड मोनसे ज'र'खा थासारियाव हारियारि दोलो-आफादफोर अबर' आफाद होनाने सिनायथि होयो होना बिथाड फोरमायनाने अबर' सुरखा समिटिनि जायफोर हान्जा डड' बिसोरनि गेजेराव सावरायनाया सोलियागिसिनो दं आरो नभिनिसन गथायनार्थ समाव गासैबो ज' जागोन होनाने बिथाड बुडो।

गुबुन फार्सेथिं, दिनेंनि खौरांगिरि मेलाव बिटिसिनि जेनाखो सुसांनो थाखाय इडिपिपिल एनडिए आरो बिपिपिफांजों जेबो लो-गोयैरि सोमोन्दो गैया होना फोरमायनाने प्रमद बर'खो गहाइ मावफुं सोद्रोमा महरै हेफाजाब होनायनि थाखायसो गोरबलायनाय जादोंमोन होनाने बिथाड बुडो।

## बरपेटा रड'आव गिखंथाय लामानि जाब्रबथायजों ...

आरो 15 बोसोर बैसोनि जेखमिन पारबिन होनानै मिथिनो मोन्याय जादों। बरपेटा रड'नि सातभइनीरदुयनि रिजार्थनि बे नख 'र थानाय सानथाम सिगां गंसे स्कुटि गोदान दिहुनदोंमोन। शनिबारखालि बे स्कुटिजों नख 'रनि साब्रे हौवासा-हिन्जावसाया हायुडरि राजा लामानि सेरावनो थानाय बिमानैनि न'आव बेरायहैनो थांगासिनो दंमोन। बे समावनो उन्थिनिफ्राय गोखे खारथाइजों फेनाय ट्राकाओ हौवासा-हिन्जावसाफोरखो सौखालाडे। जाहोनाव जाथाइ जानाय जायगायवनो जिउ गोमायो साथाम हौवासा-हिन्जावसाफोर। बरपेटा रड' पुलिसा जाथाय जानाय जायगायाव नुजाथिफेनानै साथामनि गोथै देहाखो बोखानाने पठ मटेन आन्जद नायनो थाखाय बरपेटासिम दैथायहरो।

## जर'खा बिजिरसालिआ दायनिगिरिनो 30 बोसोरनि ...

सिडव कक्राझार जिल्लानि बगरिबार पुलिस थानायाव 8/18 नम्बरनि मोनसे गसर थानायनि अनगायैबो 51/18 नम्बरनि गुबुन मोनसे जर'खा गसरबो डड'मोन। दिनें कक्राझारनि जे कचनि जर'खा बिजिरसालिया दायनिगिरि हाबिबुर रहमाननो 30 बोसोर श्रम जोबथेसालिनि साजा फोसावो।

## बोरमा सिखावजों लोब्बा थानाय सा 5 सुबुंखो हमदों

इस्लाम (36) होनानै सिनायथिनाय जादों। हमजानाय बोरमा सिखावफोरनि न'आ धुबुरी जिल्लानि धुबुरी आरो गौरिपुर ओन्सोल होना फोरमायथिदों। पुलिसनि सुतुज फोरमायनाय बायदिब्ला, थानाय माखासे दान नाडे धुबुरी जिल्लाफेनाय बेसेन गोसा गारि लानाने चिरांनि गुबुन गुबुन ओन्सोलनि लामाफोरनि बोरमाखो खावनाय उतखार सोमजिहोनाय सिखावनि हान्जाखो थानाय 23 मार्चखालि बासुगाव पुलिसआ हमनो मोन्दोंमोन। बे समाव पुलिसआ सिखावफोराव बाहायनाय गंसे ताता इन्डिया 'गारिनि डिंकियाव मा 6 बोरमाजों लो-गोसे गलाम किब्रियाखो हमनो मोन्दोंमोन। नाथाय खाबु लानाने बोस्मा खावनायजों लोब्बा थानाय हान्जानि माखासे सोद्रोमाफोर खारखोमा लादोंमोन। जेराव हमजानाय गलाम किब्रियानि फोरमायथिनि बिथायाव 29 मार्चनि हराव बासुगाव पुलिस थानानि बिबान मोन्याय बिबानगिरि रिगुल मनि दासनि दैदेन्यायाव पुलिसनि मोनसे हान्जाया धुबुरी आरो गौरिपुर पुलिस थानानि हेफाजाबाव सिप्रोमनाय हाबाफारि लानाने बोरमा खावनायजों लोब्बा थानाय हान्जानि सा 4 सोद्रोमाफोरखो हमनाने बासुगाव थानासिम लाबोयो। रोखा फोरमायथिनि थाखाय हमजानाय सिखावफोरखो बासुगाव पुलिस थानाय सोल्तु सोनायखो लाखिबाय थादों। गोबाव सान नाडे जिल्लायाव बोरमा खावनाय उतखार सोमजिहोनाय बोरमा सिखाव हान्जाखो हमनाय खामानिखौ रइजो-राजाफोरा बासुगाव थानानि पुलिसखो साबायखर बाडदों।

(☐ 1 बिलाइनिफ्राय)

## कक्राझार लकसभा बियाबनि बिपिएफ दोलोनि बिजाथिआ इफ्टार पाटियाव बाहागो लादों

बिपिएफनो भट होनो नेथ 'ना दड' होना दाबि खालामनाने आद्रा थानाय अन्जिमाया इडिपिपिलनो भट होनो हागो होना बुडो। बिथाड लो-गोसे बिटिसियाव बर'नि अनगायै गुबुन सोरखा हारि-हारिनि भतरआ इडिपिपिलनो भट होना होनानैबो रोखा खालामना होयो। नाथाय बिजेपिनि गेजेरजों हिन्दु भट मोन्यायनि मिजिंथियागिसिनो डड'ब्लाबो धोरमनि राजखाथिखो बिटिसिनि थागिरिफोर माब्लाबावो हास्थया। बिथाड बिटिसिनि गासैबो राव-रवआरि, बायदि धोरमनि रइजो-राजाफोर बिपिएफनो भट गथायगोन आरो बिपिएफनो कक्राझारबल' नख दरं-उदालगुरि लकसभा बियाबआवबो 100 जौखोन्दो देहागोन होना दाबि खालामो। गुबुन फारसे, खाम्फा बरायारिआ नब' कुमार शरनिया उरफे हिरा शरनियाआ मोन 6 हारिनि जनजाति जानायनि सोमोन्दै सदनयाव बाश्शा बुंनो हायाखिसै आरो डि-भतरनि जेनाखो सुसांगोन होना बाश्शा होनायखो दिल्लीसिम थानाने बावगारलांबाय। बेजों लो-गोसेनो मोन 6 हारिनि जनजाति जानायखो जाफुंसार होनो हायैनि थाखाय जेनगोन हिरा शरनियाआ होना बिथाड बुडो। कक्राझारव थाउन जामे मजिदयाव बिपिएफनि बिजाथि खाम्फा बरायारिआ इस्लाम धोरमनि सुबुंफोर खुंनया रमजान दाननि इफ्टार पाटियाव बाहागो लानाने साफ्रोमनो रइजो-राजानि गोजोननि थाखाय नामाज खालामनाने बरनिनिमबो गोथार रमजान दाननि साबायख 'ब बाडयो।

## एनडिएनि बिजाथि जयन्त बसुमतारिनि हेफाजाबाव बिपिएफनि माखासे सोद्रोमाफोरा...

गोनादि, सालबारिनि जुथाय मेल जथुमसालियाव खुंनया मेलयाव बिटिआरनि सालबारि बियाबनि एमसिएलए जय मुसाहारिनि नुजाथि फेनायाव सा 137 बिपिएफ दोलोनि सोद्रोमाफोरा इडिपिपिल दोलोयाव हाबाफारि बायदिदे हाबफेदों। इडिपिपिल दोलोयाव गोदाने हाबफेनायफोरखो एमसिएलए जय मुसाहारि, इडिपिपिलनि मिरु नेहाथारि फेला जे. बरायारिजों लो-गोसे माखासे दैदेनगिरिफोर फारियै-प्रदिप सरकार, बुद्ध बसुमतारि, कनिन स्वर्गियारि, आब्दुल रौक, प्रदिप दासमोनाह बराय मान बाडदों। दोलोयाव हाबफेनाय हाबाफारिनि मेलयाव एमसिएलए जय मुसाहारि आरो इडिपिपिलनि मिरु नेहाथारि फेला जे. बरायारिमोनाह कक्राझार लकसभा बियाबआव इडिपिपिल दोलोनि बिजाथि जयन्त बसुमतारिआ गोबां भटनि फारागथियाव देहागोन होना दाबि खालामो। लो-गोसे बिथामोनाह गावसोरनि बिबुंथियाव बिपिएफनि आफादगिरि हाग्रामा महिलारोखो बायदि रवजों सोंखायियो। एमसिएलए जय मुसाहारिया बुदोदि, एप्रिल दाननि गिबि सप्ताहयावनो सालबारि महकुमानि 8 रोजा बिपिएफनि दैदेनगिरि-मावफारियाफोरा इडिपिपिल दोलोयाव हाबाफारि बायदिदे हाबफेगोन होना फोसावना होदों।

## कुमारिकातायाव दरं-उदालगुरि लकसभा बियाब बिपिएफनि बिजाथि दुर्गा दास बर'आ ...

दोलोनि बिजाथि दुर्गा दास बर'आ। बे खेबनि बिसायख 'थियाव दरं-उदालगुरि बियाबआव बिपिएफ दोलोआ 7 लाखनिखुइबो बांसिन भट मोनगोन होना बर'आ दाबि खालामो आरो गुबुनै हाग्रामा महिलारीनि 17 बोसोरि खुंथाय समाव गेनाखाथि सोमजिदों होना प्रमद बर'आ अजद होबोबाय थादोंब्लाबो प्रमद बर'नि थाम बोसोर मावफुं समाव बांसिनथारे गेनाखाथि जादों होना मख 'नानै प्रमद बर'आ दिस्पुनि बाश्शा बायदिदे सोलियो होना सोंखायियो। फारसेथिं, मेलनि उनाव दरं-उदालगुरि लकसभा बियाबनि बिपिएफ दोलोनि बिजाथिआ खौरांगिरिफोरनि सिगाडव गिबि मन्थिआ दरं-उदालगुरियाव दिलिप शईकियाआ 3 लाख भट मोनगोन होना मख 'जाहोनि लानाने फिनजथायाव बुडोदि, गिबि मन्थिआ बेफोरखो सिमां दुर्गा। बिपिएफ दोलोआ बिजेपिनो हेफाजाब होनायावबो 3 लाख भट मोनाखेमोन। आथिखालाव बेबायदिखो मोन्याया जोबोद गोजाननि बाश्शा। बेनि उनाव बिपिएफनि राजखाथिनि सोमोन्दै बिथाड रइजो-राजाफोरखो खावलायनाने बुदोंदि, जेराव दरं-उदालगुरियाव ट्रेक्ट गैया, बेनि थाखायनो फोमे बियाव भट होनाने मुलाम्फ गैया। ओन्सोलनि राजखाथिखो जेब्ला फोथाना लाखिनोब्ला इडिपिपिलनि मावफारियाफोराबो बिपिएफ दोलोयाव भट होनांगो। बे खेबनि बिसायख 'थियाव गोदान भतरफोरखो थांखिनाने बिथाड बुदोंदि, लाइमोन हौवा-आइजोफोरनो सरकारआ माबा बिथाथि गथायदौब्बा आजावना लानांगो। नाथाय गावसोर मोज-गांजि सानाने भट थुना हादतनि जौगाखानायखो रोखा खालामनांगो।

## गावखो गोरों खालामनाने रां खामायनायजों लो-गोसे रंजानाय आरो मान मोन्सो हायो: ड० ...

गैया। नाथाय जेनाखो सुसांनयनि राहा नागिरनायनि सायावसो सोलोजों हाबा मावनांगो। बिथाड बुंबावोदि, “फरायनाय बिथिडाव नख 'रनिफ्राय नुजानाय जेनाफोरखो सोसिनानै फरायनायखो आबु खालामनाने जिउआव रंजानांगो। नख 'राव नांगो रोखेमनि थुलुंगाथाव थासारि मोन्सो हायाबो जानो हागो बेखोबो सोंखायिब्ला जेना सुसां जाया। गावनि मोजों मोन्याय आयदा, गाव मावनो हानाय गोहोजों हाबाखो मावनांगोन। जेब्लाबो मोजों थासारि मोन्सो हायाबो जानो हागो, जेब्लाबो मोजों सिमां नुयाबो जानो हागो, जेब्लाबो बाखानाय मोन्सो हायाबो जानो हागो, जेब्लाबो अन्याय मोन्सो हायाबो जानो हागो, बेनिखायनो गावखो सिनायनाने गावनि गोसोखो गांजि थासारिनिफ्राय रैखाथि हेनांगोन। जायखि जाया हाबायानो गेदेर मान दं, गेदेर जायमा दं, रंजानो माने जाहोनि दं। माउर-उभारेस्टआव रावबो सानसेना बेफोरखो आजावना देरहासादिनि फिरफिला बिरहोनो हायाखे, र'भआ सानसेयानो लुफुं जायाखे, अरुनिमा सिनहाआ थोंसे आथिजों माउर-एभारेस्ट गाखोदोंमोन, शितल देबिआ थाइने आखाइ गैयाबाब्लाबो आथिजोंनो बोरला गावनाय न 'सानि मेडेल मोन्सो हादों। बे बादिनो बायदि बायदि नंगुवे जाथायफोरखो रायखानाने बयबो फरायसाफोरनो थुलुंगा होयो ठू अजित बर'आ। मख 'नो गोनादि, हे हाबाफारियाव बिटिआरनि गासै गं 16 गुबुन गुबुन फरायसालिमानि फरायसाफोरा बाहागो लायाव बे मेलखो बेखेवनायने होयो दतमा दखार एबसुनि आफादगिरि उमेस दैमारिया बेखेवनायने होयो। लो-गोसे बे बड'लेण्ड जिउ राहा मेलायाव फोरोंगिरि महरै बाहागो लायो नवमिता भुइवाय, सार्टिफाइड केरियार कार्डिनलर आरो लाइफ स्किल ट्रेनार, गुवाहाटी, मेकानिकेल इन्जिनियारि बिफाननि बि.वि.इ. फरायसालिमा, कक्राझारनि लो-गो बिबुंगोरा ठू मनुलाल बसुमतारि बिथामोनाह।

## मसलपुरआवबो बिटिआर सोलोंथाइ बिफाननि बड'लेण्ड जिउ राहा मेला खुंदों

फरायसाफोरनि जिउ राहा महरै बिटिआर हालामनि मोनबा जिल्लानि गेजेराव दिनें बाक्सा जिल्लायावबो बाक्सा जिल्ला एबसुनि मदतजों फरायसा सानजों लोब्बा लाखिनाने बिटिआर सोलोंथाइ बिफाना बाक्सानि सदर मसलपुर फरायसालिमायाव बड'लेण्ड जिउ राहा मेला खुंफुंनयखो नुनो मोनो। बाक्सा जिल्लानि बेन्दोडव थानाय गुबुन-गुब

## 'पुष्पा 2' सावथुननि बानायगिरिफोरा अन्सायगिरिफोरनो मोनसे गिदिर अन्थोब होनो थागथियारि खालामदों

थानाय बोसोरव 'पुष्पा 2' सावथुननिफ्राय आल्लु आर्जुननि गिबि लुक पस्टरखो फोसावनाय जादोंमोन। बेयाव फावखुंगुरखो साड़ी गानाय नुनो मोन्दोंमोन। बिथानि मोखाडव गोथां आरो गोजा गाव फुन्नायखो नुनो मोन्दोंमोन। 2021 माइथायाव रिलिज जानाय 'पुष्पा: दा रइज' सावथुनखो सुकुमारआ गावनो लिरदोंमोन आरो दिथा होदोंमोन। आल्लु आर्जुननि 'पुष्पा: दा रइज' सावथुननि उननिफ्रायनो सुबुंफोरा बे सावथुननि सिक्वेलखो गोसो गुदुडै नेगासिनो दड। 'पुष्पा: दा



रुल' सावथुनाबो सोलिफु बोसोरनि बयनिखुइबो बांसिन नेनानै थाजानाय सावथुनफोरनि गेजेराव मोनसे। बावैसो सिगां

सुकुमारजों दिथा होजानाय बे सावथुननि बागै मोनसे गिदिर आपडेट फैदों। मिडिया रिपर्टफोरनि बायदिब्ला,

बानायगिरिफोरा बे सावथुननि टिजारखौ लन्व खालामनो थाखाय गोखोडै थियारि खालामगासिनो दड। गोबां

रिपर्टफोरा दाबि खालामदोंदि, सावथुननि दिहनिगिरिफोर आल्लु अर्जुननि जोनोम सानाव बे सावथुननि टिजारखौ लन्व खालामनानै अन्सायगिरिफोरनो मोनसे गिदिर अन्थोब होनो हागौ। बेखौ बुंनया जादोंदि, सावथुननि टिजारखौ 8 एप्रिलाव फोसावनो हागौ। बबेखानि बेखौ मावख'आरि महरै रोखा खालामनाय जायखै। नाथाय बे आपडेटआ थारैनो आल्लु आर्जुननि आन्सायगिरिफोरनि गोसो दुंखानायखौ बांहोदों। 'पुष्पा दा रज' सावथुनआ बक्स अफिसआव ब्लकबस्टर जानो हादोंमोन। बे सावथुना करनानि समाव बयनिखुइ बांसिन फालांगि खालामनो हानाय सावथुनफोरनि गेजेराव मोनसेमोन। 'पुष्पा 2' सावथुननि बाथा बुडोब्ला, सामन्था रुथ प्रभुखौबो बे सावथुनाव मोनसे के मिथ फावआव नुनो मोनो हागौ। बे सावथुनखौ 15 आगस्ट 2024 खालि सिनेमाहलफोराव रिलिज खालामनाय जागोन।

## आलिया भाट्टआ मेथाइ रोजाबनायजों अन्सायगिरिफोरनि गोसोखौ बोनो हादों

आलिया भाट्टआ गावनि फाव खालामनाय आरो फेसन सेन्सनि थाखाय अन्सायगिरिफोरनि गेजेराव मुंदांखा। बेफोरनि अनगायैबो फावखुंग्रिआ रोजाबनाय बिथिडावबो आखा-फाखा। गुबैयै आलिया भाट्टखौ गोबां खेब मेथाइ रोजाबनाय खोनानो मोनखांबाय, जायखौ खोनानानै अन्सायगिरिफोरा सोमोनादों। बेबादि थासारियाव आलिया भाट्टआ फिन खेबसेबाव गावनि गारांजों अन्सायगिरिफोरनि गेजेराव दोहौ सोमजिहोदों। गुबैयै आथिखालाव आलिया भाट्टआ हप गाला हाबाफारिनि थाखाय लन्डनाव दं। थानाय सानफोराव फावखुंग्रिआ हप गाला 2024 हाबाफारिखौ वानजायदोंमोन। फावखुंग्रिआ बे



समनि गोबां सावगारिफोरखौ गावनि इन्सटायाव शेयार खालामदों, जेराव बिथांजोखौ गुबुन-गुबुन खसाबफोरजों गावनि समाइना महरखौ दिन्थिनाय नुनो मोन्दों। बबेखानि बे समनि आलियानि साडिनि नुथाया गोबां सावरायजागासिनो दड। गुबुन हादतआव आलिया भाट्टनि देसी आनदाजखौ सुबुंफोरा जोबोद मोजां मोनगासिनो दड। बे

हाबाफारिनिफ्राय आलिया भाट्टनि मोनसे भिडिअआ सोराडाव फैदों, जेराव फावखुंग्रिखौ सासे मुंदांखा रोजाबगिरिजों लोगोसे मेथाइ रोजाबनाय नुनो मोन्नाय जादों। बे भिडिअआव आलिया भाट्टखौ 'हप गाला 2024' हाबाफारियाव सुबुंफोरजों लोगोसे जिरायनाय नुनो मोन्दों, जेराव रोजाबगिरि हर्षदीप कौरआ आलिया भाट्टनि हिट सावथुन 'उडता पनजाव'

नि मुंदांखा मेथाइ 'एक कुडी' खौ रोजाबनानै बिथांजोनि खाथियाव फैयो आरो बिथांजोखौ बो रोजाबनो थाखाय खावलायो। हर्षदीप कौरनि खावलायनायनि उनाव आलिया भाट्टआ जेबो गोनो-गोथो गैयाजसे बिथांजों लोगोसे मेथाइ रोजाबफानो हमो। फावखुंग्रिनि गारांखौ खोनानानै हस्थायगिरिफोरा सोमोनाडो। आथिखालाव अन्सायगिरिफोरखौ आलिया भाट्टनि बे भिडिअआव बिबुंथि होनाय आरो बिथांजोनि रोजाबनायखौ बाख्नायनाय नुनो मोन्दों। बेजों लोगोसे अन्सायगिरिफोरा आलिया भाट्टहा फाव खालामनायजों लोगोसे रोजाबनायनिबो रेंग'थि दड होनना बुंनयायखौ नुनो मोन्दों।

## सलमान खानआ दबंग 4 सावथुननि सायाव मोनसे गिदिर आपडेट होदों



बलिउडनि फावखुंगुर सलमान खानहा गोबां अन्सायगिरिफोर दड आरो बिथानि अन्सायगिरिफोरा जेब्लाबो बिथानि सावथुनफोरखौ गोसो गुदुडै नेनानै थायो। दबंग फ्रेन्चाइजीआ सलमान खाननि बयनिखुइबो बांसिन दोहौ गोनां सावथुनफोरनि गेजेराव मोनसे। दासिम बे फ्रेन्चाइजीनि मोनथाम पार्टखौ रिलीज खालामनाय जाबाय। आथिखालाव अन्सायगिरिफोरा दबंग 4

सावथुनखौ गोसो गुदुडै नेगासिनो दड। फावखुंगुरआबो गावनि बे सावथुननि बागै बाथा रायज्जायदों। सलमान खानआ खोन्थादोंदि, दबंग 4 सावथुनखौ मानो दासिमबो बानायनाय जायखै आरो बे सावथुनखौ माब्ला बानायनाय जागोन बेखौबो फोरमायदों। बलिउड सुपारस्टार सलमान खानआ गावनि मुंदांखा दबंग फ्रेन्चाइजीनि ब्रैथि पार्टनि सायाव मोनसे आपडेट शेयार खालामदों आरो

बुंदोंदि, जेब्लानो बिथाड आरो बिथानि बिदा आरबाज खानआ मोनसे स्क्रीप्टनि सायाव गनायथि होगोन अब्लानो बे सावथुनखौ बानायनाय जागोन। सलमान खानआ आरबाज खानजों दिहनिजानाय स्ट्रीमिं सावथुन पाटना शुक्लानि प्रिमियारआव

स्क्रिप्टखौ जेब्लानो फाइनल खालामनाय जागोन अब्लानो दबंग 4 सावथुनआ रिलीज जागोन।

अन्सायगिरिफोरा फावखुंगुर इमरान खानखौ सिलभार स्क्रीनआव नायनो थाखाय गोसो गुदुडै नेगासिनो दड। इमरान खानआ कट्टी बट्टी सावथुननि उनाव जेबो सावथुन खालामाखै। इमरान खानआ 8 बोसोरसिम डेटिं खालामखानायनि उनाव अभन्तिका मालिकजों जुलि जादोंमोन। फावखुंगुरनि मोजां मोनज्जायनाया बिथानि केरियारनि जागायजेन्नायाव गोबां

## 'न एन्ट्री 2' सावथुनआव बाहागो जानो मोनैनि जाहोनाव अनिल कापुरआ दुखु फोरमायदों

2005 माइथायाव रिलिज जानाय सलमान खान, फारदीन खान आरो अनिल कापुर स्टारर 'न एन्ट्री' सावथुना गोबां दोहौ सोमजिहोदोंमोन। बे सावथुना फ्राय 95 कौटि रॉनि फालांगि खालामदोंमोन। 'न एन्ट्री' सावथुननि जाफुंसारनायनि उनाव बे सावथुननि सिक्वेलनि थाखाय थाखाथियारि खालामनाया सोलिगासिनो दड। नै जिथाइनि उनाव सावथुननि सिक्वेलआ थाबैनो फैसालिआव दोहौ दिन्थिफुनो थांगासिनो दड। नाथाय बे खेबाव सावथुननि कास्टफोरखौ सोलायनाय जादों। सलमान खान आरो पारदीन खाननि मुंखौ




सिगांनिफ्रायनो बे सावथुननि सिक्वेलनि थाखाय फारिलाइनिफ्राय बोखारनाय जादोंमोन। नाथाय अनिल कापुरआ बे सावथुननि सिक्वेलनि बाहागो जानो लुबैदोंमोन। अनिल कापुरआ 'न एन्ट्री' सावथुनाव फाव खालामनाय बायदिनो सिक्वेलआवबो फाव खालामनो

लुबैदोंमोन। नाथाय बिथाडा सिक्वेलनि बाहागो जानाय नड होन्ना मोनसे खौराड अनलाइन लीक जादों। अनिल कापुरआ बिथांखौ सावथुननि सिक्वेलनि बाहागो खालामैनि जाहोनाव जोबोद दुखु मोन्दों। बे बाथाखौ बनी कापुरआ फोरमायदों। बनी कापुरआ जुमनो होनाय मोनसे मोगा-मोगियाव फोरमायदोंदि,

अनिल कापुरआ 'न एन्ट्री' सावथुननि सिक्वेलआव गावखौ कास्ट खालामैनि जाहोनाव दुखु मोनानै दड आरो दासिमबो जोंनि गेजेराव जेबो सावरायलायनाय जायखै। बनी कापुरआ फोरमायबावदोंदि, आं आनि फंबाय अनिल कापुरनो 'न एन्ट्री' सावथुननि सिक्वेलजों लोब्ला थानाय फावगिरिफोरनि बागै फोरमायनायनि सिगांनो बिथाड रागा जादोंमोन मानोना खौराड सिगांनिफ्रायनो लीक जाखाबायमोन। आं मिथिगौदि, बिथाड 'न एन्ट्री' सावथुननि सिक्वेलनि बाहागो जानो लुबैदोंमोन।

## इमरान खानआ करण जहरनि मोनसे एपार्टमेन्टखौ भारायाव लादों



सावरायजादोंमोन। बबेखानि उनाव बिसोर सानैजों गावजों-गाव आलादा जानो थिरांथा

लादोंमोन। आथिखालाव इमरान खानआ लेखा वाशिंग्टनजों डेटिं खालामनायनि थाखाय

सावरायजागासिनो दड। इमरान खान आरो लेखा वाशिंग्टनआ बान्द्रायाव मोनसे एपार्टमेन्ट भारायाव लादों, जायनि बिगोमाया करण जहर। बान्द्रानि एपार्टमेन्टआ लैथोनि मोखाडव दड; जाय मोनसे गिदिर बिल्डिं। बेवहाय बिथानि बिमाय आरो बलिउड सुपारस्टार आमिर खानआ सिगाडाव मोनसे एपार्टमेन्ट भारायाव लादोंमोन।

आथिखालाव ओं खारनाय खौरनि बादिब्ला, इमरान खान आरो लेखा वाशिंग्टनआ आथिखालाव मुंदांखा कार्टर रडनि क्लिफपेटआव गंसे थाम थालानि न'आव थागासिनो। सुलुनि बादिब्ला, इमरान खान आरो लेखा वाशिंग्टनआ 20 मार्चखालि बे एपार्टमेन्टखौ थाम बोसोरनि समगान्थिजों रेबथुमदोंमोन।

## हार्ट एटाकनि जाहोनाव डेनियेल बालाजीआ रुंसारि जाबाय

बावैसो सिगां साउथ सावथुन मुलुगनिफ्राय मोनसे दुखुनांथाव खौराड सोराडाव फैदों। तामिल आरो मालायालम सावथुननि फावखुंगुर डेनियेल बालाजीआ रुंसारि जाबाय होन्ना खौरां मोन्नाय जादों। रिपर्टफोरनि बायदिब्ला, फावखुंगुरनि जिउ गोमानायनि जाहोनखौ हार्ट एटेक होन्ना फोरमायनाय जादों। थानाय दिनाव बिखा सानायनि जाहोनाव बिथांखौ चेन्नाइनि काट्टीभाकमनि देहा फाहामसालियाव थिसन्नाय जादोंमोन। बबेखानि थानाय शुकुवाराव फाहामथाय लाबाय




थानाय समाव फावखुंगुरआ रुंसारि जादोंमोन। डेनियेल बालाजीनि बैसोआ 48 बोसोरमोन, बेनिखायनो बिथानि हरखाब रुंसारि जानायनि खौराड बिथानि अन्सायगिरिफोरखौ सों मोनो 'होदो'। अन्सायगिरिफोरनिफ्राय लानानै

सेलेब्रिटिफोर सशेल मिडियानि गेजेरजों डेनियेल बालाजीनि जिउ गोमानायनि सायाव दुखु मोन्नाय फोरमायदों। दिथागिरि महन राजया डेनियेल बालाजीनि जिउ गोमानायनि सायाव दुखु फोरमायनानै लिरदोंदि, बेयो जोबोद दुखुनांथाव खौरां।

बिथाड सावथुन मुलुगनि आनि थुलुंगागिरिमोन। बिथाड आनि सासे जोबोद मोजां लोगोमोन। आं बिथांजों जयै खामानि मावनाय समखौ गोसोखादों। रेस्ट इन फेस। 'मख'नो गोनांदि, डेनियेल बालाजीनि जोबथा बिदायखौ शनिबाराव बानायनाय जागोन। आथिखालाव बिथानि गोथै सह'खौ जोबथा बिदाय होनो थाखाय पुरसाइभालाकामआव बिथानि थाग्रा खुलियाव लांनय जादों, जेराव सावथुन मुलुगनि सोद्रोमाफोर बिथांखौ जोबथा बिदाय होनो थाखाय बिथानि थाग्रा खुलिसिम सौहैगोन।

## कृति सेननआ 'कृ' सावथुननि सेटनि बागै मोनसे परस्ट शेयार खालामदों

'कृ' सावथुना सिनेमाहलफोराव रिलिज जाबाय। सावथुना रिलिज जानाय लोगो लोगो बक्स अफिसआव मोनसे दोहौ सोमजिहोदों। सावथुना गिबि सानाव फ्राय 9 कौटि रॉनि फालांगि खालामदों। सावथुना क्रिटिक्सफोर आरो नायगिरिफोरनिफ्राय मोजां अन्सायनाय मोन्दों। सावथुननि जाफुंसारनायनि गेजेराव कृति सेनननि मोनसे परस्टआ भाइरेल जागासिनो दड'। कृति सेननआ सशेल मिडियाआव 'कृ' सावथुननि बिटिएस सीननि माखासे नुथायफोरखौ शेयार खालामदों। फावखुंग्रिआ गावनि इन्सटग्राम एकाउन्टआव करीना



कापुर आरो तब्बुजों लोगोसे जयै मोनसे सावगारि शेयार खालामदों। कृ सावथुननि गोसोखांथिफोरखौ शेयार खालामनानै कृति सेननआ मोनसे गोलाव केप्पान लिरनानै सावथुननि शेटआव थासारिया माबादिमोन बेखौ फोरमायदों।

कृति सेननआ परस्टआव फोरमायदोंदि, करीना कापुर आरो तब्बुआ माब्लाबाबो बिथांजोखौ शेटआव जुनियर होन्नानै मोन्दं'थिहोआखै मोन। फावखुंग्रिया केप्पानआव लिरदोंदि, 'कृ' सावथुना आनि गोसोखौ बोनो हादों। आं करिना

कापुर आरो तब्बुखौ गोबां बोसोरनिफ्रायनो एडमायार खालामोमोन आरो आं बिथामोमोनजों सावथुनाव खामानि मावफानो मोनानै गोजोन्नाय मोन्दों। शेटआव माब्लाबाबो बिथामोना आंखौ जुनियर होनानै मोनदांहोआखैमोन।

## माहाम देहानि राहा

## माखासे फिथाइफोरनि जुस बानायनानै लोडेब्ला मोखाडव नेसुरेल ग्ल' फैयो

नेसुरेल ग्ल'नि बाथायानो आलादा जायो। जेब्ला सुबुंफोरा नोंथानो मेकआप फुना जासेबो कमप्लिमेन्ट होयोब्ला नोंथाड गोबां गोजोनो जानांगौ। दागो गैयै, स्लिम बिगुर, ट्मेट बायदि गोजा-गोजा समाइना खवलाइखौ गोबां मोजां नुयो। जुदि नोंथाडाबो बेबायदि स्किननि सेक्रेट फमुलाखौ हास्थायोब्ला नोंथाड गावनि डाइटाव माखासे जुसफोरखौ लाफादेरनो हागोन। (1) बिट: बिटआव माखासे निउट्रिसन मोन्नाय जायो। बेवहाय थानाय पलेटआ स्किन सेल्सखौ बांहोयो। बिटमिन सिआ बैसो बांनयनि गोहोमखौ बाडाइ खालामो, बिगुर थननायखौ जानगार खालामो। (2) गाजर: गाजरआव थानाय बिटा केरटिनआ बिगुरनि डेमेज



जानायनिफ्राय रैखाथि होयो। (3) आपेल: आपेलआ एन्टी अक्सिडेन्टजों बुंफबनाय जायो, जाय तिशु डेमेजखौ होवथायो। बेखौ जुसआव लाफादेरनायजों बिगुरआव कलेजम आरो इलास्टिनआ बाडो। जायजों नोंथांखौ लाइमोन नुयो। बेनि अनगायै बिटमिन ए, बि कमप्लेक्स आरो सिआ स्किन पेक्ससारखौ सोलायनायनि खामानि मावो। (4) हाल्दै: हाल्दैआव थानाय कर्किउमिन्टआ बुंखानायखौ बाडाइ खालामो। बेखौ

बिगुरआव फुन्नाय एबा जाग्रा आदाराव लाफादेरनायजों दागो जानायफोरनि जेनाया जानगार जायो। लोगोसेनो नेसुरेल ग्ल'खौ मोन्नो हायो। (5) आमलाइ: आमलाइयाव बिटमिन सिखौ मोन्नो हायो, जाय बैसो बांनयावबो गोहोम खोखैनो हायो। आमलाइजों थैआ साखोन-सिखोन जायो, जायजों मोखाडाव दागो, सिथरनि जेनाया जाया। लोगोसेनो प्रि रेडिकेल्सनिफ्रायबो रैखाथि होयो।

## भारतआरि नेभिफोरा लैथोयाव लुथिग्राफोरनिफ्राय सा 23 पाकिस्तानीफोरखौ उदां खालामदों

गोदान दिल्ली, 30 मार्च: भारतआरि नेभिफोरा बेंखनना लाखिनाय ना हमग्रा इराननि जाहाज आरे बिसोरनि सालायग्रा दोलोन सोद्रोमा महरे खामानि मावग्रा सा 23 पाकिस्ताननि नोगोरारिफोरखौ लैथोमायारि लुथिग्राफोरनि हेंथायै 12 घन्टा निखुइ बांसिन सम सोलिनाय हाबाफारिनि उनाव उदां खालामो होन्ना बिबानगिरिफोरा खौरां होदों। नेभिनि बुंथिगिरिनि फार्सेनिफ्राय फोसावनाय मोनसे मावख 'यारि बिबुंथिनि बायदिब्ला, भारतआरि नेभिफोरनि जरखा टीमफोरा ना हमग्रा जाहाजखौ गोखोडे नाइबिजरगासिनो दड'। जाहाथे ना हमग्राफोरनि खामानिखौ जागायहोफिनो थारखा बिसोरखौ रैखाथि गोनां ओन्सोलफोराव लानो हायो। भारतआरि नेभिआ थांनाय शुक बार बेलासियाव बुंदोंमोनदि, बिसोर लांखार जानाय ना हमग्रा जाहाजखौ रैखा खालामनो थाखाय मोनसे



हाबाफारियाव नांथाबो, जेराव गोब्राबे लैथोमायारि डाकु आरे बिसोरनि सालायग्रा दोलोआ गाखोयो। नेभिफोरनि बायदिब्ला, जाहाजखौ बृहस्पतिवारखालि होबथाना लाखियो। बेयाव बुंनाय जायोदि, आइएनएस सुमेधाआ शुकबार फुडव एफभि 'अल कम्बर' खौ होबथायो आरे उनाव आइएनएस त्रिशुलाबो बेयाव हाबफायो। जाथाय जानाय समाव ना हमग्रा जाहाजआ सकटनिफ्राय गासै

90 लैथोमायारि माइल खोला-सोनाबहा दड'मोन आरे हाथियार लानाय लैथोमायारि लुटिग्राफोरा बेयाव गाखोदोंमोन। सुलुंनि बायदिब्ला, सकटा द्वीपआ अदननि लैथो खाथि सा-सोनाब भारत लैथोमायाव दड। थांनाय माखासे दानफोराव अदननि लैथोमायाव जाहाजफोराव बांनाय लैथोमायारि लुटिग्राफोरनि गार्लोबनायफोरखौ नोजोर होनानै भारतआरि नेभिआ

गावसोरनि सांग्राथिखौ बांहोदों। बेनि सिगां 5 जानुवारीयाव भारतआरि नेभिआ लाइबेरियानि फिर्फिला गोनां जाहाज एमभि लिला नरफकखौ लैथोमायारि डाकु फोरनिफ्राय समालिया बोरिनिफ्राय रैखा खालामदोंमोन। 23 मार्चआव नेभि स्टाफनि गाहाइ एडमिरेल आर हरि कुमारआ बुंदोंमोनदि, नेभिफोरा भारत लैथोमा ओन्सोलखौ रैखाथि गोनांसिन खालामनो थाखाय गोनांथि जानाय बायदियै नायबिजरनाय जागोन।

## आइएसआइएस फसंथानजों सोमोन्दो लाखिग्रा फरायसानि बिमा-बिफाया गुवाहाटी सौफैबाय

गुवाहाटी, 30 मार्च: पुलिसआ थांनाय 23 मार्चनिफ्राय फरायसा तौसीफ आलि फारुकीखौ बै समाव ग्रेप्टर खालामदोंमोन, जेब्ला बियो उतखारि आफाद आइएसआइएसयाव हाबनो थाखाय थांगासिनो दड'मोन। आथिखालाव बे फरायसानि बिमा-बिफाया बिजों लोगो हमनो थाखाय गुवाहाटी सौफै बाय। सुलुडाव फोरमायनाय बायदिब्ला, भारतआरि टेक्नल 'जि फसंथान गुवाहाटी आइआइटीनि बाय-साइन्स बिफाननि फरायसा तौसीफ आलिखौ इडएपिएनि गेजेरजों ग्रेप्टर खालामो। सासे गागि पुलिस बिबानगिरिआ शनिवारकालि फोरमायोदि, फारुकीनि बिमा-बिफाआ थांनाय शुकबारखालि बेयाव



सौहैयो। बेनि उनाव बिसोर पुलिस थानायाव थाडे, जेराव फरायसाखौ रबिबाननिफ्राय 10 साननि थाखाय पुलिसनि जिम्मायाव लाखिदों। आथिखालाव बिबानगिरिफोरा बिमा-बिफाआ दासिमाव फिसाज्जाजों लोगो हमदों ना हमारखे बेनि खौरां होयाखे।

दायनिगिरिखौ 23 मार्चयाव कामरुप जिल्लानि हाज 'याव जिम्मायाव लादोंमोन। बेनि सानसे उनाव भारतआरि कड अफ कन्डाग आरे इडएपिएनि गुबुन-गुबुन आटिकेलफोरनि गेजेरजों ग्रेप्टर खालामो। मख 'नो गोनांदि, फरायसाखौ आइएसआइएस इन्डियानि

गाहाइ हरिस फारुकी उर्फ हरिश आजमल फारुकी आरे बिनि हेफाजाबगिरि अनुराग सिं उर्फ रेहानखौ बांग्लादेशनिफ्राय बारहोनायनि उनाव धुबुरी जिल्लायाव ग्रेप्टर खालामनायनि सानथाम उनाव दायनिगिरि फरायसा तौसीफखौ हमो।

## बिसिजों लोगोसे सा 3 फिसाजोफोरखौ बुथारनायनि उनाव दायनिगिरिआ गावनो गाव सुइसाइड जादों

मतिहारी, 30 मार्च: सान्जा चम्पारण जिल्लानि पहाड़पुर थाना ओन्सोलनि बावरीया गामियाव थांनाय बृहस्पतिवार हराव बिसि आरे सा 3 फिसाजोफोरखौ बुथारना इंदु आन्सारीआ थांनाय शुकबारखालि हराव सुगौलीयाव ट्रेनाव बारसोमनानै सुइसाइड खालामना लयो। पुलिसआ सुगौली-रक्सौल रेल लामानि आउटर सिग्नेलनि खाथिनिफ्राय इंदु मियांनि गोथै सहखौ बोखानो मोनो। सन्देह खालामनाय बायदिब्ला, थांनाय शुक बारखालि हरनि 10 रिगासोआव बे रेल लामाजों खार्या मालगाडीनि सिगाडव बाबूमनानै इंदुआ सुइसाइड खालामो। पुलिसआ नेम-खाथि बायदियै बिनि




सावगारिनिफ्राय बिखौ सिनायथियो। बिनि नख 'रजों सोमोन्दो थांनाय गुबुन सुबुंफोरखौबो सिनायथिनो थाखाय लिंहरो। अरेशजनि पुलिस लेडइ बिबानगिरि नव्जन कुमारआ पहाड़पुर पुलिसनि टीमखौ बे जाथायखौ नायबिजरनो बिथोन होबाय

होन्नानै फोरमायदों। आथिखालाव पुलिसआ नायबिजरगासिनो दड'। सुलुंनि बायदिब्ला, थांनाय बृहस्पतिवार हराव इंदुआ गावनि बिसि अफरिना खातुन (45), फिसाजो अबरुन (14), शबरुन (12), आरे शाहाजी (09) मोनखौ उन्दु लांनाय समाव

फैनानै गोबौ हाथियारजों गोदोना हास 'नानै बुथारदोंमोन। बुथारनायनि उनाव गासैनिबो गोथै सह 'फोरखौ न'निफ्राय दिहुन्ना न'नि लांगोनायावनो गारसानै खारदोंमोन। बेनि उनाव शुक बारखालि हर गेजेराव सुगौली-रक्सौल रेल लामानि लुगौली आउटर सिग्नेलनि खाथिनिफ्राय बिनि गोथै सहखौ मोनो। सुगौली-राजकीय रेल थानानि पुलिसआ गोथै सहखौ बोखानानै परस्टमटनि थाखाय देथाइ हरो। रेल थाना बिबानगिरि धमेन्द्र कुमारआ फोरमायोदि, खौरां बिलाइयाव सेबखानाय सावगारिनिफ्राय बिनि गोथै देहाखौ सिनायनो हायो आरे आथिखालाव नायबिजरनाया सोलिगासिनो दड'।

## फैगौ 8 एप्रिल खालि बोसोरनि गिबि खेब सान मन 'गोन

गोदान दिल्ली, 30 मार्च: बे बोसोरनि बयनिखुइ गिबिसिन सान मन 'नाय नांनो थांगासिनो दड'। चैत्र नवरात्रि जागायनायनि सानसे सिगां एबा 8 एप्रिलयाव सुर्य ग्रहणआ नांगोन। बे ग्रहणआ गुर्ण सुर्य ग्रहण जागोन आरे बे यगआ 54 बोसोरनि उनाव जानो थांगासिनो दड। बे ग्रहणनि जाहोनाव अखानिफ्राय हासिम एडभाइजारि फोसावदों। सान मन 'नाय समाव सुतक कालआ सान मन 'नायनि 12 घन्टा सिगां जागायो। आथिखालाव बे ग्रहणनि सुतक काल गैया। नाथाय नॅथाड बे समाव दान होनो हागोन। दान खालामोब्ला पुण्य जागोन। बे खेबनि सान मन 'नाया 8 एप्रिल एबा समबारखालि सानसुनि 2:12 रिगायाव जागायगोन आरे



9 एप्रिलनि फुनि 2:22 रिगायाव जोबहैगोन। बेनि जाहोनाव बे खेबाव सान मन 'नाय समा 12 घन्टा जागोन। बे खेबनि सान मन 'नायखौ भारतआव नुनो मोन्नाय नड। बेनि जाहोनानो जाबाय बेयाव सुतक काल नांनाय नड। बे सान मन 'नायखौ आमेरिका, गेजेर आरे खोला आमेरिका, आयरलेन्डनि माखासे

बाहागोफोर, ब्रिटेन आरे कानाडायाव नुनो मोनगोन। बेराफार्से, सान मन 'नायखौ बयनिखुइ सिगां मेक्सिक 'नि माजाटियाव नुनो मोनगोन। खौरांनि बायदिब्ला, सान मन 'नाय समाव जाग्रा आदार संनो आरे जानो नाड। बे समाव राहुनि गोहोमनि जाहोनाव जाग्रा आदारआ बिप गोनां जायो।

बेराफार्से, सान मन 'नाय समाव सानखौ उदां मेगनजों नायआ जासे गंसे मोजां गुन थानाय सरमाजों नायनांगौ, बेजों मेगना खहा जाया। बे सान मन 'नायनि सिगां प्लाइटखौ लानानैबो सांग्राथि फोसावदों। एजेन्सिआ फैगौ समनि सान मन 'नायनि जाहोनाव टेक्सास आरे निड ईलेन्डनि गेजेराव थांनाय अखामा ओन्सोला मुखुब जानो हागौ। अदेबानि सान मन 'नायखौ नायनो थाखाय सुबुंफोरा बै हादतफोराव दावबायनायनि बिथांखिबो लानो हागौ। बेनि जाहोनाव सान मन 'नायनि लामाजों फैग्रा उरां जाहाजफोरनि फारिलाइ खालामदों, जेराव उरां जाहाजफोरजों दावबायनायाव गोहोम गोग्लैनो हागौ।

## भारतआरि रांखान्थिआ लान्थियै गिदिर हादतफोराव बयनिखुइ गोखैसिनै जौगाखानाय रांखान्थि फोसावदों



गोदान दिल्ली, 30 मार्च: भारतआरि रांखान्थिआ लान्थियै गिदिर हादतफोराव बयनिखुइ गोखैसिनै जौगाखानाय थांनाय रांखान्थि जादों। बेनि जाहोनावनो फैगौ समाव भारतआरि रांखान्थि बेबस्थानि इयुना जौगाखानाय। फ्रेन्कलिन टेम्पलटनआ बल्डवाइड रिसेशन प्रबेबिलिटि फोसावदों। बेयाव 1 बोसोराव हादतफोरनि थाखाय आंखालनि हमदंनयाखौ फोरमायदों। बे अनजिमाफोरनिफ्राय मिथिनो हायोदि, मुलुगनि माखासे जौगाखों हादतफोराव आंखालनि आसा दड। बे हादतफोराव आमेरिका, इडके, जार्मानि आरे फ्रान्स बायदि हादतफोरावो

दंफायो। फैगौ 1 बोसोराव आंखालनि हमदंनया बयनिखुइ बांसिन सन्देहआ जार्मानिनि थाखाय। जार्मानिनि थाखाय रिसेशन प्रबेबिलिटिआ 73 जौखोन्दो। नैथि नम्बराव दड इटाली। इटालीनि थाखाय रिसेशन प्रबेबिलिटिआ 65 जौखोन्दो। थामथि थाखोआव दड इडके। इडकेनि थाखाय रिसेशन प्रबेबिलिटिआ 53 जौखोन्दो। ब्रैथि नम्बराव दड निडजिलेण्ड। निडजिलेण्डनि थाखाय आंखालआ 50 जौखोन्दो जोनो हागौ। कानाडानि थाखायबो बे हमदंनया 50 जौखोन्दो। बे फारिलाइयाव आमेरिकाया 6 थि

नम्बराव दड। आमेरिका नि थाखाय हमदंनया 45 जौखोन्दो। अस्ट्रेलियानि थाखाय बे हमदंनया 40 जौखोन्दो। फ्रान्सनि थाखाय आंखालनि सन्देहआ 35 जौखोन्दो। साउथ आफ्रिका नि थाखाय 30 जौखोन्दो। बेराफार्से मेक्सिक 'आव 25 जौखोन्दो, सुडजालेन्डयाव 20 जौखोन्दो, स्पेनाव 15 जौखोन्दो। बेनि अनगायै जापान, खोला करिया आरे चीननि थाखायबो बे हमदंनया 15 जौखोन्दो। फार्सेथि भारतनि बाश्त्रा बुडेब्ला, बे फारिलाइयाव भारतआ जोबथा थाखोआव। भारतनि थाखाय फैगौ 1 बोसोराव आंखाल

जातावनानि हमदंनया 0 जौखोन्दो। अदेबानि भारतआव बेबादि फैनायनि जेबो सन्देह गैया। बे फारिलाइयाव भारतनि जौसिनाव दडइन्डनेशिया, जेराव हमदंनया 2 जौखोन्दो। बेनि अनगायै सौदि आरबाव 10 आरे ब्राजिलावबो हमदंनया 10 जौखोन्दो।

## मेक्सिक 'नि बोरिमायाव मोनसे जाब्रबथाय जादों

मेक्सिकसिटी, 30 मार्च: मेक्सिक 'नि खोला पेसिपिक बोरिमायाव मोनसे नाव जाब्रबथायनि खौरांआ सोराडव फैदों। बे जाब्रबथायाव गंसे नावआ गोदोदों आरे सा 8 सुबुंफोरनि जिउ ख 'हा जादों। बे आयदानि सायाव खौरां होनानै मावख 'गिरिफोरा फोरमायदोंदि, गासैबो सुबुंफोरा एसिया नि फ्राय मोन। मावख 'गिरिफोरा फोरमायदोंदि, जाब्रबथायनिफ्राय बारग 'नो हानाय सासे सुबुंखौ मोगा-मोगि खालामनाय जादोंमोन आरे बिथाड गावखौ एसियाव

होन्ना थि खालामदों। बिबानगिरिफोरनि बायदिब्ला, गोथै सह 'फोरखौ प्लाया भिरेट सहरनि मोनसे लैथो रुगुनि खाथियाव मोन्नाय जादों, जाय र्वाटेमालाजों लोगोसे खाथियाव मोन्नाय जादों। र्वाटेमालाजों लोगोसे मेक्सिक 'नि सिमानिफ्राय 250 माइल (400 किल 'मिटर) सान्जायाव दं। बेजों लोगोसे नाव जाब्रबथायनि जा होन फोरेखो नायबिजरगासिनो दड। बे ओन्सोला मेक्सिक 'खौ बारनानै आमेरिकानि सिमासिम



सौहैनो थाखाय मोनसे गाहाइ लामा। बांसिन गुबुन हादतयारिफोरा बारलांग्राफोरा हाजों दावबायो, नाथाय माखासेफोरा मेक्सिक 'नि

सिडाव हाबफै नाय चेकपइन्टफोरनिफ्राय बारग 'नो थाखाय लैथोजों दावबायो आरे जाब्रबथायफोरजों मोगा-मोगि जानो गोनां जायो।

## कंग्रेस पार्तिनिफ्राय 135 कौटि रांनि टेक्स बोखानाय जादों



बोखोडे बाहायनायखौ मिथिनो मोन्दों। बिब्दियाव पार्तिनि नायसंनायखौ 7 बोसोर (2014-2015 निफ्राय 2020-2021) फोरनि थाखाय फिन बेखेवनाय जादोंमोन। सुलुडा मिथिहोबावदोंदि, नायसंनायनि उनाव 2021 आव कंग्रेस

पार्तिनिफ्राय टेक्स दाबि खालामनाय जादों आरे बेखौ गथायनो थाखाय गोबां खेब लाइजामबो हरनाय जादों। नायबिजरनाय समाव अजद होग्राफोरा थिसन्नाय दोन्थ 'नायनि आर 'ज बिलाइखौ नेवसिनाय जादोंमोन। बेनि

उनाव नायबिजरनाय बिथोननि बिथोन होनायनि 10 दान उनावबो जेब्ला दाबि दैखानाय नोगोद रांखान्थिखौ गथायाब्ला टेक्स एक्टनि सेक्सन 226 (3) नि गेजेरजों टेक्स बोखानायनि हाबापारि जागायनाय जागोन। बिब्दिआव आइनिनि खाथि बादियै 135 कौटि रां बोखानायनि हाबाफारि जागायनाय जायो। बे नायबिजरनायखौ दोन्थ 'नायनि दाबि दैखानाय आर 'ज बिलाइखौ आइएफएफटी आरे दिल्ली हाइ कर्टआ नेवसिदोंमोन। सुलुंनि बादिव्ला,

बेनि उनाव टेक्स आइनि 1961 नि खाथि बादियै 135 कौटि रां बोखानाय जादों। बेनि सिगां कंग्रेसआ बुंदोंदि, लकसभा बिसायख 'थिनि सिगां-सिगां टेक्स बिफानआ गुबुन गुबुन 5 रांखान्थि बोसोरफोरनि टेक्स गथायनायाव जेंना गोनां हाबाफारिफोरनि थाखाय 1823.08 कौटि रां पेमेन्ट गथायनायनि मोनसे नटिस फोसावदों। नाथाय बेयो बिजेपिखौ लानानै मेगन मोसेबनानै थादों, बेराफार्से बेनि सायाव 4,600 कौटि रांनि जुरिमानावो गोालैयो होन्नानै बुंदों।

## रेसलिं फेडारेसनआव जेनाया खमायनाय लामा लायाखै

गोदान दिल्ली, 30 मार्च: भारतीय रेसलिं फेडारेसनआव जेनाया दासिमबो सुखांजायाखै। डब्लिउएफआइआ जर'खा जथुम हांखायनायजों मिरु गेलेमु मावख'निफ्राय लानाय बेन खालामनायनि थांखिखौ नेवसिगारदों आरो सरकारनिफ्राय मोन्याय खरसान अनगायै हाबा मावबो आगान सुरदों। गेलेमु मावख'आ सन्जय सिंहनि आफादगिरिआव दैदेनजानाय फेडारेसननि मावफु'आफादनि सायाव गेलेमुनि नेमखान्थिखौ सिफ्रयनायनि जाउनाव सिगाडवनो बेन फोसावदों। गेलेमुनि मुलुगानाडरि फसंथान इनाइटेड



वर्ल्ड रेसलिं आ सन्जयजों दैदेनजानाय फेडारेसननि सायाव गावसोरनि बेन फोसावनायखौ बोखारना लाफिन्नायनि उनाव भारतीय अलिम्पिक एस'सिफ्रयनाय हारदरनि रेसलिंआव सानफ्रोमबोनि हाबाखौ नोजोर

लाखिदों। जेराव भुपेन्द्र सिंह बाजवानि दैदेन्याय एडहक कमिटीखौ बन्द खालामनायनिबो थांखि लादोंमोन। आइएफनिफ्राय लानाय बे थांखिनि उनावनो फेडारेसनआ मोनसे जथुमनि गेजेरजों गावसोरनि गोखौ थांखिखौ

लाफिन्नाय गोदान मावफु'आफादनि सन्जयआ इडडब्लिउडब्लिउ आरो आइएफनिफ्राय रेहाय मोन्दोंब्लाबो मिरु सरकारनिफ्राय दासिमबो रेहाय मोनाखै। खौरनि बादिब्ला, फेडारेसनआ जथुम्मानि उनाव सरकारनिफ्राय बेन फोसावनायखौ बोखारनागौनि आर'ज गावनायनिबो थांखि लादों। फेडारेसनआ गावसोरनि सबिजितआव थानाय नेमखान्थि बादियै हाबा मावनायनि दाबि दैखांदों। जायनि उनाव सन्जय सिंहजों दैदेनजानाय आफादआ गावसोरनि मोन्थायखौ मोन्नागौनि दाबि दैखांदों।

## पिभि सिन्धुआ स्पेन मास्टार्सनिफ्राय जानगारनांबाय

माद्रिद, 30 मार्च: भारतनि आइजो बेडमिन्टन गेलेगिरि पिभि सिन्धुआ गोखौ सेलेन्ज होनायनि जाउनावबो माद्रिद स्पेन मास्टार्स सुपार-300 बेडमिन्टन टूर्नामेन्टनि आइजो सिंगेल्स के टेगिरिनि फाइनालाव थाइलेन्डनि सुपानिडा केटथनि हेंथायै जेनांनानै बिमुनि सिमांखौ खोमानांबाय। थानाय बोसोराव बे टुर्नामेन्टआव रानार्सआप जाखानाय सिन्धुआ गिबि सेटआव माखासे गेम पइन्ट रेखाथि होनायनि जाउनावबो थाइलेण्डनि 6 थि रेकिंनि गेलेगिरिआ बिथांखौ 24-26, 21-17, 22-20 स्करआव फेजेन्टों। स्पेननि के रिलिना मारिनआ टुर्नामेन्टनिफ्राय जायखारनायनि उनाव बिमुनि थाखाय दाबिआव थानाय खेबने अलिम्पिक मेडल देरहानाय सिन्धुआ जोबनाय समाव गावनि दिदोमथिखौ खोमानां। जायनि थाखाय बिथांखौ गावनि रिक्टेखौ कर्टनि सिडाव गोब्राबे बुनायनि थाखाय सियार आम्पायारआ इयेल' कार्ड दिन्थिदोंमोन। बे कार्डखौ गात्रि आखु दिन्थिनायनि थाखाय होनाय



आवगायफिनो। जाउनाव सिन्धुआ नेटआव खेबने शट बुनायनि जाउनाव 2 पइन्ट आरिजियो। सिन्धुआ लान्थियै खेबने स्मेरजों समान स्करआव सौहैदोंब्लाबो बेनि

## फ्रान्सआ पेरिस अलिम्पिकनि थाखाय गुबुन हारदरनिफ्राय सान्थि हान्जा हांखायदों

पेरिस, 30 मार्च: फ्रान्सआ दर 46 हारदरनिफ्राय सोलिफु बोसोरनि गोलोम बोथोरव जानो गोनां पेरिस अलिम्पिकआव रेखाथिनि थाखाय 2000 निखुइ बांसिन पुलिस मावसुमाफोरखौ थियारि खालामनानै हरोनो हांखायदों। खुंफुनाय समाव जानो हाथाव गालोबनायनि हेंथायै गोखौ नोजोरआव लाखिनो थाखाय फ्रान्सनि रजथावनि गिबि गेलेमुनि थाखाय रेखाथिनि थाखाय थियारिआ जोबथा थिरांथायाव सौहैबाय। फ्रान्सनि गुबुन हारदरनिफ्राय मावख'आ गुबुन हारदरनिफ्राय दावबायफेगोननि रेखाथिनि थाखाय थानाय जानुवारि दानआव आर'ज गावदोंमोन। जेराव बै समाव 2185 पुलिस मावसुमाफोरखौ थियारि खालामनानै हरोनो खालायदोंमोन। बे समाव मावख'आ गेलेमुआव रेखाथि आरो जाथावन खैफोदोरखौ नोजोर होनायाव थियारि खालामनानै हरोनाय रेखाथि हान्जानिफ्राय मदद



मोनगोनखो मिजिथिदों। मख'नो गोनांदि, फ्रान्सआ 2022 काठर फुटबल वर्ल्ड कापआव गावसोरनिफ्राय सा 200 जवानफोरखौ दैथायहरदोंमोन आरो थानाय बोसोराव फ्रान्सजों खुंजानाय रुगबी वर्ल्ड कापआव रेखाथिनि थाखाय इउरपियान हारदरनिफ्राय सा 160 रेखाथि मावसुमाफोर सौहैदोंमोन। बेनि अनगायै फ्रान्सनि रोनिया हान्जानि बुंथिगिरि कर्णेल पियरे

## बिराट कहलीआ खेबसे इनिंसआवनो माखासे रेकर्ड खालामदों

गोदान दिल्ली, 30 मार्च: इन्डियान प्रिमियर लीगनि 17 थि सिजनआव बिराट कहलीआ सिगां समाव मिजिथिनि बाइजोआव दिन्थिफुदोंब्लाबो उनि खेबने मेचआव बिथांखौ मोजां इनिंस गेलेदों। कहलीआ कलकाटा नाइट राइडर्सनि हेंथायै गेलेनाय मेचआव 83 राननि इनिंस गेलेनायजों माखासे रेकर्ड थिसन्दों। जायनि फारिआव बिथांखौ खेबने 4 रान आरो खेबने 6 रान लादोंमोन। बे इनिंस गेलेनायनि मददजोंनो कहलीआ माखासे रेकर्डआव गावनि मुं लाखिदों। बिथांखौ टी-20 क्रिकेटआव मोनसे ग्राउन्डआव बयनिखुइबो बांसिन रान लानाय रेकर्ड थिसन्दों। बेनि अनगायै



मोनसे ग्राउन्डआव बयनिखुइबो बांसिन 6 रान लानाय थामथि गेलेगिरि जानो हादों। बिराट कहलीआ टी-20 क्रिकेटनि जारिमिनआव बांसिन रान लानाय बेटसमेन जाबाय। बिथांनि मुखव बेंगलुरुनि एम सिन्नास्वामी स्टेडियमआव 3243 रान जाबाय। बे फारिआव बिथांखौ बांलादेशनि मुसाफिकुर रहिमखौ उनाव लाखिबाय। जेराव बिथांखौ मिरपुरनि फोथारआव 3238 रान लानानै दड। बे फारिआव थामथि मासिआव इलेण्डनि गेलेगिरि एलेक्स हेल्सआ जायगा मोनो।

जेराव बिथांखौ ट्रेन्ट ब्रिजनि फोथारआव गेलेनाय टी-20 क्रिकेटआव 3036 रान लाबाय। कहलीआ बेनि अनगायै मोनसे ग्राउन्डआव बयनिखुइबो बांसिन 6 रान लानायनि फारिआव थामथि नम्बरआव जायगा मोन्दों। बिथांनि मुडाव सिन्नास्वामी स्टेडियमआव खेब 128 ड' रान लानाय रेकर्ड जानानै दड। बे फारिआव नैथि नम्बरआव क्रिस गेलआ दड, जेराव बिथांखौ बेंगलुरुनि फोथारआव खेब 151 आरो मिरपुरनि फोथारआव खेब 128 ड' रान लाबाय।

आइपिएलआव कहलीआ बेनि अनगायैबो बयनिखुइ बांसिन 80-राननि इनिंस गेलेनाय फारिआव नैथि नम्बरआव जायगा मोनो। बिथांखौ खेब 16 बेबादि रान लानाय गेलेगिरि जाबाय। बे फारिआव कहलीआ डेभिड वार्नरखौ उनाव लाखिबाय। जेराव वार्नरखौ आइपिएलनि जारिमिनआव खेब 15 नि इनिंसआव बेबादि रान लाबाय। बे फारिआव गिबि नम्बरआव क्रिस गेलआ जायगा मोनो। जेराव बिथांखौ खेब 17 आइपिएलआव बेबादि रान लाबाय।

## हकी इन्डियाआ बान्थाखौ गथायसिगोन

गोदान दिल्ली, 30 मार्च: हकी इन्डियाआ 31 मार्चखालि जानो गोनां बोसोराव बान्था होनायनि हाबाफारिनि थाखाय नमिनेट खालाम जानाय गेलेगिरिफोरनि फारिलाइखौ फोसावबाय। जायनि फारिआव मुंदांखौ गल किपार पिआर श्रीजेश आरो सभिता पुनियाआ फारिअै हौवाफोर आरो आइजोफोरनि के टेगिरिआव साबसिन गेलेगिरि बान्थानि रेसआव जायगा मोन्दों। बार्रा केप्टेन श्रीजेश आरो पुनियाआ भारतनि थाखाय लान्थियै मोजाडै दिन्थिफुनायनि थाखाय बोसोरनि साबसिन गल किपार बान्थानि थाखायबो नमिनेट खालामजादों। भारतनि हौवाफोरनि हान्जानि केप्टेन आरो डिफेन्डर हर्मनप्रीट सिंहआबो मोनने गुबुन गुबुन के टेगिरिआव नमिनेट खालामजादों। बिथांखौ बोसोरनि साबसिन गेलेगिरि बान्थाजों लोगोसे साबसिन डिपेन्डर बान्थानि थाखायबो दाबिथायाव दड। मोननैबो के टेगिरिआव बोसोरनि साबसिन गेलेगिरि बान्थानि थाखाय 25-25 लाख रं आरो गल किपि टूफो देरहानाय गेलेगिरिआ 5 लाख रं मोनगोन। हकी इन्डियानि खौरनि बादिब्ला, मोन 8 गुबुन गुबुन केटेगिरिआव



गासै सा 32 गेलेगिरिफोरखौ नमिनेट खालामदों आरो बान्थाफोरनि गासै रंआ 7.56 कौटिआव थाहैदों। हकी इन्डियानि बादिब्ला, हकी इन्डिया मेजर ध्यानचन्द लाइफ टाइम एसिभमेन्ट बान्था देरहागिरिआ 30 लाख रं मोनगोन। बे बान्थाखौ थानाय माखासे बोसोरनिफ्राय गेलेमुनि फोथारव जर'खा बिहोमा होनाय गेलेगिरिनो गथायनाय जागोन। आन्डार 21 गेलेगिरिफोरनि थाखाय बोसोरनि जाखांफुनाय हौवा गेलेगिरिनि फारिआव जुगुराज सिंह बान्था आरो आइजो गेलेगिरिनि थाखाय अन्सुता लाखड़ा बान्था होनाय जागोन। जेराव देरहागिरिआ 10

लाख रं बान्था मोनगोन। बोसोरनि साबसिन डिफेन्डरनि थाखाय परगत सिंह बान्था, साबसिन मिडफिल्डरनि थाखाय अजित पाल सिंह बान्था आरो बोसोरनि साबसिन फरवार्ड गेलेगिरिनि थाखाय धनराज फिल्ले बान्था देरहानाय महरै 5 लाख रं गथायगोन। हकी इन्डियानि आफादगिरि दिल्लीन तिकीआ थानाय माखासे सानफोराव भारतनि हौवा आरो आइजो टीमफोरनि मोजाडै दिन्थिफुनायखौ नायनानै नमिनेट खालामजानाय गेलेगिरिफोरखौ सायख'नो गोब्राव जानायखौ फोरमायदों।

## यानिक सिनार आरो गिरगर दिमित्रबआ मियामी अपेननि फाइनालाव सौहैबाय



मियामी, 30 मार्च: नैथि रेकिंनि बादायारि यानिक सिनारआ थामथि रेकिंनि दानिल मेदभेदेभखौ फेजेन्टानै मियामी अपेननि फाइनालाव सौहैबाय। बे खेबआव रविवारखालि बिथांखौ फाइनालाव 11 थि रेकिंनि गिरगर दिमित्रबनि सेलेन्जआव ऑखारगोन। बेनि सिगां दिमित्रबआ ब्रैथि रेकिंनि आलेक्जेन्डर ज्वेरेभखौ नैथि सेमिफाइनालाव फेजेन्टोंमोन। सिनारआ सेमिफाइनालाव गोखौडै दिन्थिफुनायै मेदभेदेभखौ 6-1, 6-2 स्करआव फेजेन्टों। दिमित्रबआ टप रेकिंनि कार्लस अल्कारेसखौ क्वार्टर फाइनालाव फेजेन्टानयनि उनाव सेमिफाइनालाव जार्माननि ज्वेरेभखौ 6-4, 6-7, 6-4 स्करआव फेजेन्टानै फाइनालाव सौहैदों। आइजो केटेगिरिनि फाइनालाव आमेरिकानि दानिल कलिन्सआ ब्रैथि रेकिंनि एलिना रिभाकिनानि सेलेन्जआव ऑखारगोन।


गोदान दिल्ली, 30 मार्च: इन्डियान प्रिमियर लीगनि 17 थि सिजनआव दासिमबो खेब 10 मेचफोर जानानै थांबाय। जेराव बे समनि गेजेरवनो हान्जानिफ्रायनि स्क्वाडआव सोलाय-सोल' जानायखौ नुनो मोन्दों। सानराइजार्स हाइड्राबादिनि थाखाय मोनसे गात्रि खौगड सोराडव फेदों। बे हान्जान्याय श्रीलंकानि स्टर स्पोनार वानिन्डु हासंरंगाआ दासिमबो हान्जानि गेलेगासिनो दडमोन। नाथाय बिथांनि बाहागो जालांगोननि सायाव दासिमबो रोखा जायाखै। मानोना बिथांखौ आथिखालाव

आखाथिथाव जोखोम जानायनि जेनांजों भुगिनांनानै दड। जायनि जाउनाव बिथांखौ हाइड्राबादिनि हान्जानि ऑखारफानो हायाखै। बेबादि थासांरिआव बिथांखौ आबुं टुर्नामेन्टनिफ्रायनो जायखारनांनोबो हागौ। हासंरंगानि मेनेजारआ खौरगिरिनि सिगाडव फोरमायनाय बादिब्ला, आथिखालाव बिथांखौ चेकआपनि थाखाय दुबाइसिम दावबायनाय थांखियाव दड। बिथांखौ बांलादेशनि हेंथायै गेलेनाय खेबने मेचनि टेस्ट सिरिजनि थाखाय श्रीलंकानि हान्जान्यावबो दडमोन आरो

सिरिज जोबनायनि उनाव बिथांखौ भारतसिम फेगोमोन। नाथाय बिथांनि मेनेजारआ रोखा खालामनानै होनाय बादिब्ला, बिथांखौ हान्जानि बाहागो जाफेदोंब्लाबो गोलाव साननि उनावबो जाफेसिगोन। हासंरंगाआ सोलिफु सिजननि थाखाय प्लेयार अक्सनआव हाइड्राबादिनि हान्जानि 1 कौटि 50 लाख राडाव बायजादोंमोन। बेनि सिगां खेबने सिजनआव बिथांखौ आरिसिगनि जानानै गेलेदोंमोन। हासंरंगानि मेनेजारआ बिथांनि थाबेनो मेचआव बाहागो जागोनखौ फोरमायनानै जेखि-जाया थासांरिआव बिथांनि बाहागो जाथारोन्खौ फोरमायदों। लोगोसे रनि थाखाय गेलेनायमोनब्ला 2 कौटि रनि वेस प्राइसआव बिथांनि बाहागो जागोनखौ फोरमायो। नाथाय बेनि सोलायै बिथांनि मेच गेलेनो थांखि लानायखौ गाहाइ फेक्टर फोरमायो। सोलिफु आइपिएलआव हाइड्राबादिनि हान्जान्या थेबने मेच गेलेनायाव गिबि मेचआव जेनांदों आरो नैथि मेचआव हान्जानिफ्राय गोखौडै बलिं खालामनायखौ नुनो मोन्दों। हाइड्राबादिनि हान्जान्या मुन्बाइनि हेंथायै मेचनि 20 अभासआव 277 रान स्कर लादोंमोन। जाय मेचआव बे हान्जान्या 31 रानआव देरहानानै गावसोरनि स्करि काटाखौ खुलिजेन्टोंमोन। आथिखालाव बे हान्जान्या 2 पइन्टजों ब्रैथि नम्बरआव जायगा मोनो आरो गावसोरनि थामथि मेचखौ गुजरटनि हेंथायै 31 मार्चखालि गेलेगोन।

## एन्डि मुरेआ मन्टे कार्ल आरु मिउनिखआव क्ले कर्टनिफ्राय जानगारआव थागोन

मियामी, 30 मार्च: एन्डि मुरेआ मियामी अपेनआव आखाथिआव जोखोम मोन्यायनि जाउनाव गोलाव समसिम टेनिसनिफ्राय जानगारआव थासिगोन। जायनि थाखाय बिथांखौ मन्टे कार्ल आरो मिउनिखआव जानो गोनां क्ले कर्ट टुर्नामेन्टआव गावनि जानगारआव थागोनखौ सिगांगो रोखा खालामदों। खेबथाम ग्रेन्टस्लेम सेम्पियन मुरेआ बे समाव गावनि देहायारि थासांरिखौ मोजाडव लाबोनो नाजागोन। मन्टे कार्ल मास्टार्स टुर्नामेन्टआ फेगौ 7 एप्रिलनिफ्राय जागायगोन आरो मिउनिखआव बिएमडब्लिउ अपेनआ फेगौ सप्ताहनिफ्राय जागायगोन। मियामी अपेननि मोनसे मेचनि समाव बिथांखौ आरिसि आखाथिथाव जोखोम मोन्दों। जायनि जाउनाव 36 बोसोर बैसोनि मुरेआ बेनि उनावनो गावनि टेनिसनिफ्राय जानगारव थागोनखौ रोखा खालामदों। मुरेनि हान्जानिफ्राय फोरमायनाय बादिब्ला, बिथांखौ माबे समसिम गेलेनायनिफ्राय जानगारव थागोन बेनि सायाव रोखायै बात्रा बुनो हाथ'आ। बिथांखौ बे समाव गावनि फाहामथाय होरा टीमजों फाहामथायनि सायाव



नोजोर लाखिगोन। हान्जानिफ्राय बिथांनि जोखोम जानायनि सायाव दुखु मोन्याय फोरमायनानै थाबेनो मोजां जायोब्ला बिथांनि गेलेनायनि फोथारआव बाहागो जाफिनगोनखौ रोखा खालामदों। जोखोम जानाय सानखालि बिथांखौ थमास मासाकनि हेंथायै मेचआव जिरायनानै थाथ'नादोंमोन। जेराव बे बादायनायाव बिथांखौ 5-7, 7-5, 7-6, 7-6(5) आव जेनांदों।